



बड'सा' रीर्वालाइयाव  
अमान्यारि जिज्जो लोब्बा थानाय रायथाय, खन्थाय,  
अल', अल'बाथा आरु दावबायारि थावनि, पार्क  
बाइदिनि आयाव लिन्नाय लिन्दिदां दैथाय ठर/  
अनख्यारि "बड'सा" रीर्वालाइया खेबखानावै  
फोस्वावगोन/  
बड'सायाव लिन्नायानि हुवा खालाम,  
"बड'सा" खी नोथां, जो बयबो आंगो खालाम।

सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 17 February, 2025 Kokrajhar, BTC, Assam ★ Vol.- 33, Issue No. 318 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

आसाम परस्टेल सार्केल  
बाडाइ होनाय गोवां मोनफिन्नाय

# परस्टेल लाइफ इन्सुरेन्स

पलिसिआव जेबो जेना गैया जासे लननि खाबु  
नोथांनि सुविदा बायदिये प्रिमियाम होनायखौ सायख' : अनलाइन/एनएसिएडस/दुर स्टेप/आइपिपिबि राहाफोर  
परस्टेल डिभिजननि फोनाजाब फोरमायथि: सार्केल अफिस: 943512802/6026177547: काछार: 8135934745, दरं: 7002512686, डिब्रुगढ़: 8134828687,  
गवालपारा: 8638175215, गुवाहाटी: 7002458998, नगाव: 9706657595, नलवारि-बरपेटा: 9707461440, शिवसागर: 9101902308, तिनिचुकिया: 9101587077

## दिदोमथि आरो गोख्रों थांखि लानाया फरायसा जिउखौ जाफुंसार होयो: राइज्यो बेंगिरि

कक्राझार, 16 फेब्रुवारि:  
सोलोथाइआ मानसिखौ नंगुबे सुबुं  
महर दायो। बे बाथाखौ बुंथिदो  
आसामनि राइज्यो बेंगिरि लक्ष्मन  
प्रशाद आचार्यआ। मख'नो  
गोनांदि, दिने बड'लेण्ड मुलुग  
सोलोसालिनि अथि कन्फेसनआव  
बाहागो लानाने गावनि बिबुंथिनि  
गेजेरजो बुडोदि, जायफोरा डिग्री  
लानो हादों बिसोरो सानसे  
बड'लेण्डनि जौगाखानायनि  
बिथिखव थोजासे बिफाव लागोन  
आरो बिसोरो सानसे गोरो-गोरा  
जानाने मोजां लामाजो आगान  
सुरनायजो बिसोरनि गेजेरजो  
मोनसे नख'र सोमजिगोन आरो  
समाजनि जौगाथायनि खामानि



मावलांगोन होनाने मख'यो। गुबुन  
फास'थि राइज्यो बेंगिरिआ  
आइजोफोरनि सोलोथाइनि सायाव  
गोनांथि होनाने बुडोदि,  
आइजोफोर रेंगथि गोनां जायोव्ल  
गंसे नख'र सामलायनायनिफ्राय  
लानाने गावनि फिसाफोरखौ मोजां  
गियायन होनायजो लोगोसे सासे  
मोजां नोगोरारि दानायाव थोजासे  
बिफाव लायो आरो बेखौ नोजोर  
होनाने गोहाइ मन्थि नरेन्द्र  
मदिआ बेटी बचाउ बेटी पडव  
बिथांखिखौ लानाया जोबोरोनो  
बाख्नायथावना जादों होनाने  
बुंथियो। बेनि अनगायैबो बिबुंथि  
लाखिनायनि गेजेरजो बिथाडा  
(□ 6 बिलाइआव)

## गोगो आरो गुन गोनांनि बिथायाव फिन 564 बिजाथिफोरनो थिसन्थाय बिलाइ गथायदों आसामनि मोजां खुंथायनि दाथायखौ हादतनि माखासे राइज्योआ उन संनो जागायजेनबाय: ६ शर्मा



दिसपुर, 16 फेब्रुवारि: गोगो  
आरो गुन गोनांनि बिथायाव  
थिसन्थाइ हाबाफारिनि थद'नाय

गैये दावबायनायखौ थि लाबाय  
थानाने आसामनि गिबि मन्थि ६  
हिमन्त विश्व शर्माआ दिने श्रीमन्त  
शंकरदेव कलाक्षेत्रआव खुंनाय  
मोनसे हाबाफारियाव 2023  
माइथायनि जुथाय बादायलायनाय  
आन्जाद (सिसिइ) आव  
जाकुंसारनाने उथिनाय आसाम  
सिभिल सार्थिस, आसाम पुलिस

सिबिथाय आरो गुबुन फोनाजाब  
सिबिथायाव सा 200 बिजाथिफोर  
आरो जुनात फिसिथाय आरो जुनात  
फाहामथाय बिफान, सुबुं देहा  
कारिकरि बिफान, हारिमिआरि  
आयदा बिफाननि गुबुन गुबुन  
मासियाव सा 363 बिजाथिफोरनो  
हाबाफारि बायदिये थिसन्थाय  
(□ 6 बिलाइआव)

## बाक्स-तामलपुर जिल्ला बड'लेण्ड मुंखलं नख'रारि आफादआ मुंखलं नख'रफोरनो 5 लाख रानि अन्सुंथाइखौ थाबैनो होजोबनो गोख्रों दाबि



## दुलाराय आसाम आदिबासी फरायसा आफादनि 20थि महासभाखौ खुंनो थाखाय बराय आफाद दादों

गसाइगाव, 16 फेब्रुवारि: 1996 माइथायाव बर' आरो आदिबासी  
हारिजो दाडबाजि जानाय समाव आदिबासीफोर मोनसे गोसोम जोमे  
साग्लोबसारनाय बायदि थासासिरियाव भुगिनाने थाबाय थानाय समाव  
हारिनि खेफोदखौ नोजोर होनाने माखासे रेंगथि गोनां आदिबासी  
लाइमोनफोर ज' जानाने लक्षिमपुरनि जनुबस्तीआव दुलाराय आसाम  
आदिबासी फरायसा आफाद सुंद'थे आसाखौ जोनोम होदोंमोन।  
आसामआव थानाने जिउ खांबोनाय आदिबासि हारिनि रंखांथि,  
समाजखांथि, राजखांथि आरो सोलोथाइजो लोगोसे आसामनि  
आदिबासीफोरखौ एसटि थाखोनि मान मर्यादा होनायखौ लानाने गुबुन  
गुबुन जेनाफोरखो सुखानायनि दाबि खालामबोदोंमोन आसाआ। बे  
सुबुंखांथिनि राहाजो गोवां सोमावसारनाय (□ 4 बिलाइआव)

## इउपिपिएल आरो एबसुनि दैदेनगिरि आरो मावथिफोरा बिपिएफआव हाबफैदों होनाया नंखाय: सत्यजित बर'



सालबारि, 16 फेब्रुवारि:  
इउपिपिएल दोलोन सालबारि  
ब्लक कमिटीनि लेडाइ  
आफादगिरि दिलिप स्वर्गियारि  
आरो इउपिपिएलनिनो गुबुन सासे  
दैदेनगिरि प्रबिन नायकआ  
बिपिएफ दोलोआव हाबफैनायखौ  
लानाने इउपिपिएलनि दोलोन  
(□ 6 बिलाइआव)

बड'सा थान्दे/तामलपुर, 16  
फेब्रुवारि: आलादआ राइजो  
बड'लेण्ड सोमावसार नायाव  
हारिनि थाखाय गावनि आगोमा  
जिउखौ सुथुरफोरनि आखाइआव  
खोमानो गोनां जानाय बड'लेण्ड  
मुंखलं नख'रफोरनो सरकारा  
फोसावखानाय 5 लाख रानि  
अन्सुंथाइखौ थाबैनो  
होजोबनांगोन थाखाय फिन आरो  
गोख्रों दाबि खालामदों बाक्स  
(□ 4 बिलाइआव)

## बरबरि गुदि बर' थुनलाइ आफाद आरो बरबरि दख'रा एबसुनि सनाथि फोरबो खुंफुंनो बान्जाय आफादनि मावख' बेखेवदों

मुसलपुर, 16 फेब्रुवारि: बाक्स  
जिल्लानि बेन्दोंआव थानाय  
बरबरि गुदि बर' थुनलाइ आफाद  
आरो बरबरि दख'रा एबसुआ  
सनाथि माइथाय फोरबो खुंफुंनो  
थाखाय बानजायनाय आफादनि  
मावख' बेखेवदों। फेगो 2026 इं  
माइथाय जानुवारि दानि 9,10 आरो  
11 खालाराव खुंफुं जानो बे  
सनाथि माइथाय फोरबो  
खुंफुंनायनि बान्जाय आफादनि  
मावख'खौ हाबाफारि बायदिये



बाहागो लानाने बेखेवनाने होयो 62  
नं बरमा बियाबनि एल ए भुपेन

बर'आ। बान्जाय आफादनि  
(□ 6 बिलाइआव)

## आसाम केबिनेटनि थांखि आसाम सरकारजों आसुनि जथुम

गुवाहाटी, 16 फेब्रुवारि: आसाम  
सरकार आरो दुलाराय आसाम  
फरायसा आफाद (आसु) नि  
गेजेराव दिने रविबारखालि मोनसे  
गोनांथार जथुम खुंदों। बे  
आयदायाव आसाम रादायनि 6 नं.  
(□ 6 बिलाइआव)



## बड'लेण्डनि मुंदांखा लावखार ओंखाम जाग्रा थिलि बगामातियाव बड'लेण्ड जारनालिस्त एस'सियेसननि मावफुं मेल

## कक्राझारनि गसाइगावआव बड'लेण्ड जारनालिस्त एस'सियेसननि बोसोरारि जथुमाखौ खुंफुंनो थि खालामनाय जाबाय



बड'सा थान्दे/तामलपुर, 16  
फेब्रुवारि: भारत-भुटान सिमा  
फारियाव थानाय बड'लेण्डनि  
मुंदांखा लावखार ओंखाम जाग्रा  
थिलि बगामातियाव दिने  
बड'लेण्ड खौरागिरि गौथुम  
(□ 6 बिलाइआव)

बड'सा थान्दे/तामलपुर, 16  
फेब्रुवारि: उदालगुरि जिल्ला  
दुलाराय बर' फरायसा आफादनि  
सिडव थानाय दिमाकुचि दख'रा  
एबसुआ थानाय गोलाव  
समनिफ्रायनो ओन्सोलाव  
सोलिबोनाय माखासे आइन बेरेखा  
खामानिफोरनि सायाव गोख्रों  
(□ 6 बिलाइआव)

## धुबुरी जिल्लायाव मोनसे बियाब दानायनि जों सिन्था खालामगासिनो: मिह्निस्वर बसुमतारि

## धुबुरि लालियापारायाव खौसेथि बर' सुबुं आफादनि राइज्योआरि मेल



## आइन बेरेखा खामानिफोरनि सायाव गोख्रों नोजोर दिमाकुचि दख'रा एबसुनि बि टि आर सरकारआ थाबैनो साखाथियाव थानाय हाग्रा फोजोबस्त्रानायखौ बन्द' खालामनायनि राहा लानांगों

बड'सा थान्दे/उदालगुरि, 16  
फेब्रुवारि: उदालगुरि जिल्ला  
दुलाराय बर' फरायसा आफादनि  
सिडव थानाय दिमाकुचि दख'रा  
एबसुआ थानाय गोलाव  
समनिफ्रायनो ओन्सोलाव  
सोलिबोनाय माखासे आइन बेरेखा  
खामानिफोरनि सायाव गोख्रों  
(□ 6 बिलाइआव)



## सुजुगिरिनि खोलोम

### खौसेनि गोहो

गोरा आरो गिदिर खामानिखौ हासिंडे मावनो गोब्राब जायो।

गोलाव समनिबो गोनांथि जायो। बिब्दि गिदिर खामानिखौ खौसे जानाने मावयोब्ला गोलै आरो गोलाव समनि गोनांथि जाया। खौसेयै हाबा मावनाय खांथिया गामि ओ-सोलाव राइजो जानाय सुबुंफोरनि गेजेरावल' सोलियाखै। राजखांथि फोथारवबो मावनो हायेखौ खौसे जानाने मावनाय मुलुगनाडै-नो नुनो मोन्नाय जायो। जॉनि भारत हादतआव गोबांथार गिदिर-फिसा राजखांथि दोलोफोर दं। बिसायख 'थियाव बिसोर दोलोफोरखौनो राइजो-राजाफोर सायख 'नानै सरकार दानायनि खाबु होयो। जाय दोलोया बांसिन मासि देरहानो बिसोरनो खुंथाय सामलायनायनि खाबु मोनो। गोबाव समनि बाध्रा बुंनो गोनांथि जाया। बावैसो सिगां आसाम बिधान सभानि उफ्रा बिसायख 'थियावबो ज' जानाने गेलेनाय दोलोफोरनो देरहासाद जानायखौ जों बयबो मिबथियो। मोनबा मासिनि गेजेराव मोनबाखौनो देरहानानै खौसेथिनि गोहोखौ दिन्थिदोमो। हासि जानाने गेलेनाय दोलोफोरा आधिखालनि समाव माबाब्लाबो बिसायख 'थि दावहायाव देरहानायनि मिजिं गैयै बादि जानायखौ नुनो मोन्नाय जाबाय। बिब्दि थासारि फैनानि थाखायनो दोलोफोरनि गेजेरावो ज' जालायनानै जुथाय सरकार दानो सिगांबानायखौ नुनो मोन्नाय जायो। खौसे जानाने जुथाय सरकार सामलायनाया गोखौ जानाय बादिनो गामियारि समाजआ खौसे जानाने गसंडेब्ला आधिखाल जायगा-जायगा नुजाबाय थानाय समाज बेरेखा हाबाफोरबो खर' दिखानो हानाय नड बेखौ हमदंनो हायो।

मोनसे समाव जॉनि गामिफोरव हासिंडे मावनो हाये हाबाखौ मावनो आरो गोलाव समनि गोनां जानायखौ माखासे समनि गेजेराव फोजोबनानयनि थंखियै हाबा-खेराइ, सावरि-बादालिफोर लिंनानै ज'-ज'थै खामानि मावलायनानै गावजों-गाव हेफाजाब होलायनाय नुनो मोनोमोन। बेनि गेजेरजों गामिफोरव खौसेथि लाबोनाय आरो हुंखा सुलायनानै खाथि सोमोन्दो लाखिनो आरो मदत होलायनो हायोमोन लोगोसे समाज बेरेखा हाबाफोरा बांद्रायै सोलिनो हाया जानायखौ नुनो मोन्नाय जायोमोन। आधिखाल सावरि-बादालि जानायखौ गोबांथार नुनो मोन्नाय जाया। मानोना आधिखाल सुबुंफोरा समजों समानैनो आगान सुफलांनो गौ जानायलाय गोदोनि नेमखांथिजों सोलिनो गोब्राब जाबाय। सिगांफोर समाव जॉनि समाजआव सावरि, गाथा जानाने गामिफोरव गावजों-गाव मदत होलायनाय जों खोनानो आरो नुनो मोनोमोन। सावरि, गाथा जालायनानै माय हानाय, न'-बां लुनाय, हाबा-खेराइफोरव हेफाजाब होलायनाय, जाहारनिफ्राय बन-लाइ लानयनानै गावजों-गाव मदत होलायनाय जायोमोन। बेनि गेजेरजों गामिनि समाजआरि राहायाबो अरय सम गोखौ आरो खौसेथि जानाने थायोमोन। आधिखाल गामिफोरव गावजों-गाव बिब्दि मदत होलायनायखौ गोबांथार नुनो मोन्नाय जायाब्लाबो जायगा-जायगा माखासे हाबाफोरखौ दासिम ज'-ज'थै मावनानै हेफाजाब होलायनायखौ नुनो मोन्नाय जायो। आधिखाल सुबुंफोरा समजों लोगोसे गोरोबफानानै सोलिनांगी जानाने फेबाय। बाध्रायाव दड- खौसेब्ला गोखौ जागोन, हासिंडेब्ला जमब्रायनंगोन। आधिखाल बेबादिनो थासारि नुजाफेदों जॉनि राइजो जानायनिफ्राय लानानै बाइदिंसिना बिथिफोरवबो।

गुबुन-गुबुन हाबाफोर बादिनो राजखांथि फोथारवबो बे बाध्रानि रज 'नायखौ आधिखालनि समाव नुनो मोन्नाय जायो। मुलुग हादतफोरव नुजानाय बादिनो जॉनि हालामआवबो जुथायै राजखांथि गेलेनायखौ गोनांथि होनाय नुनो मोन्नाय जायो। खुंथाय सामलायनो राजखांथि दोलोफोरा जुथाय हान्जा दानाने बिसायख 'थि रोनाव ओंखारो। खौसेथिनि गोहोखौ हमदंनानैनो राजखांथि दोलोफोरा गोबां दोलीनि जुथाय हान्जा दाफुंनानै बिसायख 'थि गेलेबोदों आरो इयुनावबो गेलेनायनि मिजिं दं। सोलिफु समाव गोखौंथार जुथाय हान्जा दानो हानाय हान्जायानो गोहोआव फेनायखौ नुनो मोन्नाय जायो। बेखायनो लोगो नांनय राजखांथिया आधिखालनि समाव गोनांथि होजासिनायखौ नुनो मोन्नाय जायो। □

## दिनैनि फान्जामुथि

### राशि बाइदियै मुनि गिबि हांखो

**मेघ** : अ ल **बुध** : ऊ ब (उ ए इ) **मिथुन** : क छ (ड घ)  
**कर्कट** : ड ह **सिंह** : म ट **कन्या** : प ट (ण ष)  
**तुला** : त र **वृश्चिक** : ब न **धनु** : ध भ (ढ फ)  
**मकर** : ख ज **कुम्भ** : ग श (स) **मीन** : द च (ख ज झ)

**मेघ**: माबाफोर जेनायाव गोलैनो हागौ। गोसोखौ अशान्ति मोनगोन। गोसोखौ हमथा।

**बुध**: जेबो जेना गैयै सुखुयै थानो हागोन। फारफोमथिजो मोजां।

**मिथुन**: बेफार फालांगियाव मुलाम्फा आरजिनानै लानो हागोन। गोजेन्नाय मोनगोन।

**कर्कट**: जैरेबो देरहासार जानायखौ मोन्नो हागोन। बे राशिनि थाखाय मोजां सम।

**सिंह**: जेखि जाया शुभ खामानियाव आगान सुरगोनानै लानो हागोन। सान्नाया जाफुंगोन।

**कन्या**: जेखियानो जाया गोथार खामानिखौ मावनो हागोन। बे राशिनि थाखाय शुभ सान।

**तुला**: बे राशिनि थाखाय अशुभ सान। मोजां खामानिखौ मावनो नाड। गोसो हमथानानै था।

**वृश्चिक**: गुबुननि थाखाय जिगा सिनानो हागौ। गोसोखौ शान्ति मोन्नाय नड।

**धनु**: सोरनिफ्रायबा रांखावरि मोन्नो गोनां दडबा मोनगोन। गोसोखौ गोजोन मोनगोन।

**मकर**: गुबुननि बागै रंजा-बाजा खालामनो मोनगोन। गोसोखौ गोजोन मोनगोन। मोजां सान।

**कुम्भ**: मानिबा आसा खालामनाय दडबा जाफुंगोन। गोजोन मोनगोन। मोजां सान।

**मीन**: नख 'रनि साफ्रोमजोंबो अनलायनाया बांलांगोन। जैरेबो जौगानायखौ मोन्नो हागोन।

# बोराइ बाथौ; बोराइ बथौआ सोर??

बाबुराम बर'

नाग्रिजुलि

जानबुं नं- 7636038775

बे दुलाराय मुलुग एबा बिलाथ लाथाखौ सोरजिनानै बेखौ दैदेननाय दैदेनगिरि सोरबा दं। बे दुलाराइ बुहुमखौनो सोरबा दैदेनगिरिया गावनि आखाय मुथियाव लानानै अरय थि, गोथों आरो सैथोयै दैदेनदों आरो बे बिलाथ लाथाखौ सोरजिनानै बेवहाय नांगौ जानाय बार, हा, दै, अर आरो अखांखौ सोरजिनानै बेवहायनो जिब-जुनार, दंफां-लाइफां, एम्फौ एनला सोरजिदों। साननि उनाव हर एबा सोरनि उनाव खोमसि, दुखुनि उनाव सुखु, गाज्जिनि उनाव मोजां बेफोर गासै अरय सैथो सोलिथाया अरय गेबेडै-सोलियो। बे दुलाराइ मुलुग एबा बिलाथ लाथाखौ सोरजिनानै बेवहायनो बार, हा, दै, अर आरो अखां सोरजिनार, जिब-जुनार, दंफां- लाइफां, एमफौ एनलाफोरनि जोनोम लानाय- थैनाय, सुखु- दुखुखौ अरय थियै दैदेननाया आइथो-बेनथो मुगानिफायनो सैथोयै सोलिबोदों। बेखौ अरय सैथोयै सोलिहोनाय सोरबाथ' दैदेनगिरि दंथारो। बे अरय सैथो गेबेडै-सोलिहोनाय दैदेनगिरिया सोर बिलाइ? ---इयो-सोर?? बेनो जादों- इयो सोर; इसोर। जायखौ जों नुवाथारि आनान गसाइ, बिनान गसाइ, अबं लाउरि, सोरजिगिरि, इसोर आरो गुबुन गुबुन मुंजों गाबजियो। बार, हा, दै, अर आरो अखां बे मोनबा सोरजिखौ सोरजिनारनि उनावनो बे बुहुमाव जिब जुनार सोरजिदों। बे मोनबा जिराथनि मोनसे थायाब्लानो जों बुहुमाव थानानै थानो हाया। बार नडब्ला जों हां लानो हाया, हा नडब्ला जों गसंनो थानो हाया, अखां नडब्ला थानो हाया बिदिनो, दै अर एबा बिदुं नडब्ला जॉनि सोलेरा थानानै थानो हाया। बे मोनबा जिराथखौ थाना थानो जोंनो नांथारगौ। बे मोनबा जिराथनि सानथोआ जोबोर गोथौ। मोनबा सानथौनि सोरजिया जैरे गोथौ बिनो बा+थौ= बाथौ। जों बे बार, हा, दै, अर आरो अखां मोनबा जिराथखौ सोरजिनार सोरजिगिरिखौनो बाथौ होनानै गाबजियो। बोराइ माने बिगोमा। मोनबा सोरजिनि बिगोमा बाथौ एबा बोराइ बाथौ। बोराइ बाथौआनो देरसिन ईसोर, जायखौ जों दिनैसिमबो नुनो मोनाखै।

इसोर दं होनना जों माबोरै फोथायनो?

इसोरखौ रावबो नुनो मोना। बेखौ रावबो दिनैसिमबो नुनो मोनफेराखै। बेनिखायनो बेखौ नुवाथारि बुडे। बे नुनो मोनै जिराथखौ जों माब्रै फोथायनो? इसोर दं होनना फोथायनोसो हायो। बेखौ मेगनजों नुना मोना। इसोरखौ जों गोबां बिदिन्थि

होनानैसो फोरमान होनो हायो। बे बिलाथ लाथायाव ईसोरनि सोरजिखौनो जों सानस 'नो हायाब्ला, जों सानस 'नो हायै जिराथखौ सोरजिया सोरजिगिरिखौ सानसनो हागोन ना!! 'बार'--- बारा मोनसे ईसोरनि सोरजि। बारखौ जों नुआ। अब्लाबो बे दं। बारखौ जों हमदंनोसो हायो। हमदंनो मोनब्लासो मोनथियोदि बे दं। अब्ला बेनि सोरजिखौनो जों नुआ अब्ला जों बार बादि नुयै जिराथखौ सोरजिया इसोरखौ बोरै नुनो? बेनि गुबुन मोनसे जिराथ जैरे जिड। जिडखौ जों नुआ नाथाय बे दं। जिड एबा 'सि'खौ नुवाब्लाबो फोथायनो हायो मानोना जिड थासान्देयावल' मानसिया गोथां, जिडआ मानसिनाफ्राय ओंखार लांब्लानो जों थैयो एबा सि थायोब्लासो मानसिया गोथां जिड ओंखार लांब्लानो बे गोथै। अब्ला जों जिड बादि नुयै जिराथखौबो फोथायनो हायो एबा फोथायनो गोनां जादों। मानोना जिड गोनां मानसिया गोथां। अब्ला जिडबादि नुयै जिराथखौ सोरजिया इसोरखौ नुनो हागोनना!! बबेखानि जिड आरो बार बादि नुफेरै जिराथखौ सोरजिया सोरबा सुबुं दंथारो। बेयो सोर?? बेनो जादों इसोर। इसोरनि जायफोर सोरजिनि खोथाखौनो जों सानसनो हाया अब्ला जों माबोरै इसोरनि खोथाखौ सानसनो हानो। बर'फोरा बे ईसोरखौनो बोराइ बाथौ होनना गाबजियो। मानियो, सिबियो। बोराइ बाथौआनो बयनिखुइबो देरसिन ईसोर Supreme of Gods। सुखु-दुखु, सान-हर, खोमसि-सोरां, जोनोम-थैनाय बेफोर गासिबो बोराइ बाथौनि महिमा।

बोराय बाथौ एबा गुबै ईसोरखौ सिबिनो जों बर'फोरा माखासे नेम खांथि, आसारखांथि खालामनानै लादों। राइजो राजा, सुबुं माहारिखौ गोथों लामाजों सोलिनो एबा दैदेननो थाखाय नेमखांथि, आसारखांथि रनसायदों। बाथौनि मोनबा खांथिजों दाय फोदोफोर जादोंब्ला मोनबा बादनि खांथिजों फोथारदों। समाजखौ गुबुंले, गाज्जि थासारिखौ फोजाखानानै दैदेननो थाखाय दुलाराइ बाथौ गौथुमा 'बाथौ थान्दै' बिजाब महाराव सेबखानानै फोसावदों। जायखौ जों बयबो गनायदों आरो दोहोराम बिजाबनि गेजेरजोंनो जों समाज खांथि, आसारखांथि, नेम खांथिखौ दैदेनदों। बे बाथौ थान्दै दोहोराम बिजाबानो थार ईसोरखौ मोननायनि लामा, बेनो सोरगोआव थानायनि लामा। बाथौ थान्दैनि गासै खांथिखौ मानिनानै सोलिनो हायाब्लानो नों नोरोगाव थानांगोन।

बाथौनि मोनबा बाद

बर'फोरा मोनबा बादनि गेजेरजों इसोरखौ मोननायनि लामाया गोथों। बाथौ बोराया होलांनय बाथौनि मोनबा बादनि

## पान्जाब-हारियानाजों लोगोसे माखासे राइज्योफोराव अखानि एलार्ट फोसावदों

गोदान दिल्ली, 16 फेब्रुवारि:

हादरनि माखासे बाहागोफोराव

बोथोरआ सोलायनो हमदों।

दिल्ली-एनसिआर, उत्तर प्रदेश,

बिहारजों लोगोसे सा भारतनि

माखासे राइज्योफोराव गुसुनि

गोहोमआ गोबां खम जादों।

साननि बिदुडव बांनयखौ नुनो

मोनगासिनो दड; जायजों गरम

मोन्दांदों। आधिखालाव

हाजोयारि राइज्योफोराव

दासिमबो अखा आरो बरफ

गोलैनाया सोलिगासिनो दड

आरो जम्मु-काश्मीरआव गुसुआ

19 फेब्रुवारिखालि जोबनानै

थांसिगोन, जायजों गुसुआ एसे

खम जानायनि सन्देह दड।

हिमाचल प्रदेशआवबो बरफ

गोलैनाया सोलिगासिनो दड।

बिफानिआ बोथोरखौ लानानै

गोदान आपडेट फोसावो।

दिल्लीनि बोथोरनि बाध्रा

बुडेब्ला, दिल्लीआव अखाडव

खावसे महरै जौमै साग्लोबदों

आरो फुंनि समाव स्मग एबा



सरासन्हा खुवा खुनायखौ नुनो

मोन्दों। दिनैबो सानसे जौमै

साग्लोबनो हागौ। लोगोसे

मेक्सिमाम बिदुड 29 डिग्री

आरो मिनिमाम बिदुड 11 डिग्री

सेल्सियासआव थानो हागौ।

बिफानिनि बादिब्ला, 19 आरो

20 फेब्रुवारिआव दिल्लीआव

अखा हानायनि सन्देह

फोरमायदों। गाबोन दिल्लीआव

मिनिमाम बिदुड 10 डिग्रीसिम

सौहैनो हागौ। 17

फेब्रुवारिनिफ्राय सोनाबयारि

नारसिन्थायनि जाहोनाव जम्मु-

काश्मीर, उत्तराखण्ड आरो

लाडाखआव सरासन्हा अका

हानो हागौ। 18-20 फेब्रुवारिनि

गेजेराव राजस्तान, दिल्ली,

पान्जाब, हरियाना आरो सोनाब

उत्तर प्रदेशआवबो अखानि एलार्ट

फोसावदों। बेराफार्से उत्तर

प्रदेशनि बोथोरनि बाध्रा बुडेब्ला

राइज्योनि सोनाब आरो सान्जा

मोननैबो बाहागोफोराव

बोथोरआ सरासन्हायै थागोन।

फुं आरो हर गेजेराव सरासन्हा

खुवा खुनो हागौ। नाथाय अखा

आरो रोजा खुवानि जेबो सांग्रांथि

फोसावाखै। बिहारआव

बोथोरआ स्वाडे थागोन आरो

बेयाव रोजा खुवा आरो अखानि

जेबो सांग्रांथि होयाखै। बेयाव

मेक्सिमाम बिदुड 24-30 डिग्री

सेल्सियास आरो मिनिमाम बिदुड

10-14 डिग्री सेल्सियासनि

गेजेराव थहैनो हागौ। □

## गुवाहाटीआव 123 ग्राम हेरइनजों लोगोसे सासे स्मागलार हमदों



गुवाहाटी, 16 फेब्रुवारि: आसामनि राजथावनि आरो गाहाइ नोगोर गुवाहाटीनि बालुघाटआव हेरइन बोखांनो मोन्दों। गासै मोन 11 साबुन बक्सजों लोगोसे सासे सुबुंखौ हमो। बसिष्ट पुलिस स्टेसननि मोनसे टीमआ सन्देह' खालामनानै 32 बोसोर बैसोनि सासे ड्रग्स स्मागलारखौ हमनो हायो। हमजानाय स्मागलारनि मुंखौ सलिम आहमेद होन्ना मिबथिनो मोन्दों। बियो दिसपुरनि पान्जाबारि जुरिपार हाथनि थागिबि, जायनिफ्राय 123 ग्राम हेरइन बोखांनो मोनो। गासै मोन 11 साबुन डिब्बायाव 123.46 ग्राम लिथ्राइनि हेरइन बोखांनो मोनो। पुलिसआ सलिमजों लोगोसे केए 05 किउइ 2640 नाम्बारनि स्कुटरखौबो जब्द' खालामो आरो मोनसे केस थिसन्ना नायबिजिनारयखौ जागायो। □

## रासियाजों जुजिनो गोखों इउरपियान सान्थि दाफुंनयनि गोनांथि दड- हादरगिरि जेलैस्की

मिउनिक, 16 फेब्रुवारि:

इउक्रे न दावहाखौ लानानै

आमेरिकानि नोजोर होनायखौ

लानानै इउक्रे ननि हादरगिरि

भलदिमीर जेलैस्कीनि रावआ

सोलायदों। जामार्नीआव

सोलिगासिनो थानाय रैखाथि

सन्मिलनआव बिथाड बुंदोंदि,

रासियाजों जुजिनो थाखाय

गोखों इउरपियान सान्थि हान्जा

दानायनि गोनांथि दड। इउरपआ

गोबाव समसिम

आमेरिकानिफ्राय रैखाथि

मोनबाय थागोन होन्नाने आसा

खालामनो हाया। इउरपआ

आमेरिकानिफ्राय सम्मानखौ बै

समावनो मोनगोन जेब्ला बिहा

गोखों गावनि सान्थि थागोन।

जेलैस्कीआ इउक्रेननि उनाव



गुबुन इउरपियान हादरफोरनि

सायाव इयुनाव रासियाआ

गाग्लोबनो हागौ होन्नानैबो

आसा फोस्मायदों। सन्मिलनआव

आमेरिकानि लेडइ हादरगिरि

जैडि वेन्स आरो गासैबो जि 7

हादरफोरनि गुबुन हादरयारि

मन्थिफोरबो बाहागो लायो।

सिगां फार्से जेलैस्कीआ बुडेदि,

इउक्रे न दावहाखौ लानानै

खालामनो गोनां दावहा

दोन्थ'नाय गोरोबथाखौ बै

समावसो गनायथावगौ जेब्ला

सावरायनायाव इउक्रेनआबो

बाहागो लागोन। इउक्रे ननि

हादरगिरिआ नैथि मुलुग

दावहायाव देरहासारनायनि

बोसोरारि सान फालिथायाव

मस्क'आव जानो गोनां सान्थि

पेइआव रासियाआ आमेरिकानि

हादरगिरि ट्राम्पखौ मान गोनाडै

नड, प्रप (जौसं) साजायग्रा

मुवा। महरै बाहायनो

थाखायसो हांखायहरनो

हागौ। मख'जाथावदि,

थानाय शनिबारआव

आमेरिकानि थान्दै आ

## कंग्रेसनि दैदेनगिरि गौरब गगैनि बिसि एलिजाबेथनि हेथायै नायबिजिरनाय जागोनः ड० हिमन्त बिश्व शर्मा

गुवाहाटी, 16 फेब्रुवारी: कंग्रेसनि एमपि गौरब गगैनि सायाव गोखों रवजों गाग्लोबनाने आसामनि गिबि मन्थि ड० हिमन्त बिश्व शर्मा आ बुंदोंदि, पुलिस केस थिसनो हागौ आरो बेरेखा दोलोनि दैदेनगिरिनि अन्जालि बिसि एलिजाबेथ कलबर्ननि पाकिस्तानजों थानाय सोमोन्दोखौ नायबिजिरनो थाखाय जर'खा हान्जा दानाय जागोन। बिथाडा बुंदोंदि, आइएसआइआ सिएमअआव हाबखोमानो नाजादोंमोन नामा जेब्ला गौरब गगैनि बिफाया गिबि मन्थिथोन होन्नानै आसा खालामथाव जादों। बेराफासं गगैआ बुंदोंदि, बिजेपिआ बिथां आरो बितांनि नख'रखौ बदनाम खालामनो थाखाय बेबादि थांखिखौ आजावदों। गगैआ बिजेपिनि दाय जाबिसिन्नायखौ दुख



मोनथाव आरो जेबो बिथा गैयै होन्नानै बुंदोंदि। अदेबानि गिबि मन्थिआ बुंदोंदि, कलबर्नआ गगैजों जुलि जानायनि उनाव पाकिस्तानआव थांनानयनि रोखा खौरं मोन्दों, नाथाय हारसिं ना फिसाइजों लोगोसे थांदोंमोन बेखौ मिथिनय

जायाखै। जागायजेन्नायाव बेयो राजखान्थियारि दान्थे-बिदान्थे बादिमोन, नाथाय आथिखालाव बे आयदाया आइएसआइजों लोब्बा थानाय बाथा फेयोब्ला जों बेखौ एरेनो हगारनो हाया। गिबि मन्थिआ पाकिस्तान यजना आयगनि बोसोनगिरि आरो

कलबर्ननि बारग' बिबानगिरि आली तौकीर शेखनि एक्सआव होनाय गोजाम मोनसे पस्टनि स्क्रीनशटबो शेयार खालामदों आरो दाबि दैखांदोंदि, पाकिस्तानी नोगोरारिफोरनि गेजेराव सोमोन्दोआ गोथौयै थानाय बादि मोन्दाडो।

## सामलायनाय राहाया मोजां नडैः आरो सरकारनि गोखों नोजोर होयैनिनो फिथाडः राहुल गान्धी

गोदान दिल्ली, 16 फेब्रुवारी : गोदान दिल्ली रेलवे स्टेशनआव जानाय जाथायखौ लानानै सरासन्ना सुबुंफोरनिफ्राय लानानै दैदेनगिरिसिम दुखु मोन्नाय फोरमायदों। रेलवेआ मोनसे गोजौ थाखोनि समिटिबो दाबाय, जाय जाथाइनि सिनि जाहोनखौ संदानगोन। बेनि गेजेरावो कंग्रेसनि दैदेनगिरि राहुल गान्धीआ सशेल मिडिया एक्सआव पस्ट खालामना मिरु सरकारखौ थांखिदों। बिथाडा बे जाथाइनि सायाव दुखु मोन्नाय फोरमायो आरो रेलवेखौ बे जाथायनि थाखाय सांखारियो। बिथाडा बुडोंदि, फिन खनसेबाव रेलवेनि जाफुसारे हाबा आरो सरकारनि सन्देह' गोंनां हाबाफारिया सोरंआव फेदों। भुगिनांनयफोरनि फारसे गोथौ दुखु मोन्नाय फोरमायना



राहुल गान्धीआ जोखोम जानायफोरा थाबेनो मोजाडव फेथों होन्नाबो आर'ज गाबो। सशेल मिडिया एक्सआव एमपि राहुल गान्धीआ लिरदोंदि, प्रयागराजसिम थांनय

सिबियारिफोरनि होंगो-दोंगोखौ नोजोर होना स्टेशनआव मोजां रहा खालामनो होनांगोमोन। सरकार आरो रेल खुंथाया जाहाथे जायखि जाया जाथावै जाथाइफोराव सुबुंनि जिउ

गोमाया बेखौ नोजोर होनांगोमोन। कंग्रेसनि गाहाइ नेहाथारि आरो केरेलानि बायनाडनिफ्राय देरहानाय एमपि प्रियंका गान्धीआबो बे जाथायनि सायाव दुखु मोन्नाय फोरमायदों। मख'जाथावदि, शनिबार मोनानि 9:30 रिगायाव प्लेटफर्म 14 आरो 16 आव दावबायारिफोरनि ट्रेन हमनो होंगो दोंगो जानायाव नुजाथिदों, जेराव सा 18 जिउ गोमायो। थैनायफोरनि गेजेराव सा 9 आइजो आरो सा 5 उदेंफोरबो दफायो।

## गोदान दिल्ली रेलवे स्टेशन जाथायनि सायाव हादरगिरि मुर्मुआ दुखु मोन्नाय फोरमायदों

गोदान दिल्ली, 16 फेब्रुवारी: गोदान दिल्ली रेलवे स्टेशनआव सोमजिनय सुबुंफोरनि होंगो-दोंगो जाब्रथायनि सायाव हादरगिरि द्रौपदी मुर्मुआ गोथौ दुखु मोन्नाय फोरमायदों।



बिथडा जोखोम जानायफोरनि थाखाय थाबेनो गाहामआव फेनायनि आर'ज गाबदों। मख'जाथावदि, गोदान दिल्ली रेलवे स्टेशनआव महाकुम्भआव थांनो नागिरनाय दावबायारिफोरनि होंगो-दोंगो जानायाव स्टेशनआव ट्रेन गाखोने नाजानायाव खारला-खारलि जानानै सा 18 सुबुंफोरनि जिउ गोमायो आरो सा 12 दावबायारिफोरनि जिउ गोमायो। जिउ गोमानायफोरनि गेजेराव सा 14 आ आइजोफोर। सरकारआ गोजौ थाखोनि नायबिजिरनायनि थाखाय बिथोनबो होयो। हादरगिरि द्रौपदी मुर्मुआ एक्सआव पस्ट

बिथडा जोखोम जानायफोरनि थाखाय थाबेनो गाहामआव फेनायनि आर'ज गाबदों। मख'जाथावदि, गोदान दिल्ली रेलवे स्टेशनआव महाकुम्भआव थांनो नागिरनाय दावबायारिफोरनि होंगो-दोंगो जानायाव स्टेशनआव ट्रेन गाखोने नाजानायाव खारला-खारलि जानानै सा 18 सुबुंफोरनि जिउ गोमायो आरो सा 12 दावबायारिफोरनि जिउ गोमायो। जिउ गोमानायफोरनि गेजेराव सा 14 आ आइजोफोर। सरकारआ गोजौ थाखोनि नायबिजिरनायनि थाखाय बिथोनबो होयो। हादरगिरि द्रौपदी मुर्मुआ एक्सआव पस्ट



बेंगालुरु, 16 फेब्रुवारी: तामिलनाडु सरकारआ मुंदांखा गिबि मन्थि जे जयाललितानि बोखानो हानाय सम्पतिफोरखौ गावसोरनि दखलआव लाबाय। बे सम्पतिफोरनि गेजेराव 27 कि:प्रा: 558 ग्राम सनानि गहेना, 1116 कि:प्रा: रुफा आरो 1,526 एकड़ हाजों सोमोन्दो गोंनां फोरमानलाइजों लोगोसे बेसेन गोसा मुवा-बेसादफोरा दफायो। बोखानो हानाय सम्पतिफोरखौ कर्नाटकनि थोन बाखिआव रेखाथियाव लाखिदोंमोन। गोलाव समनिफ्राय सोलिबोबाय थानाय आयजों बांसिन सम्पति केसआव सम्पतिफोरखौ शुक्रबारखालि बेंगालुरुनि मोनसे बिजिरसालिनि गेजेरजों सम्पतिफोरखौ गथायनायनि बिथोन होनायनि सानसे उनाव ट्रेन्सफार खालामो। बे समाव बिजिरसालि आरो सरकारि बिबानगिरिफोरा नुजाथिदों। आइनारि हाबाफारिनि गेजेरजों बोखानो हानाय मुवा-बेसादफोरनि सावगारि सेबखाडो। बे सावगारिफोरनि गेजेराव भव्य सनानि सावगारिफोरबो दफायो। बिबानगिरिफोरा बेनि सिगां गहेनानि सावगारिफोरबो दफायो। बिबानगिरिफोरा बेनि सिगां गहेनानि गिदिर थुबिलनि फारिलाइ खालामदोंमोन। गंसे थुंग्रिआबो बेसेन गोसा बेसादफोरनि गेजेराव दफायो। आर'जलाइ गथायग्रा नरसिम्हा मुर्तिआ फोरमायनाय बादिब्ला, बे गहेना आरो फोरमानलाइफोरखौ तामिलनाडु सरकारनो गथायनानो होयो। थांनय 1996 निफ्रायनो जर'खायै मोन 27 मुवा-बेसादफोरा जयाललितानि नेहाथारि भास्करनि कास्टडिआव दफायोमोन।

## चुराचान्दपुरआव गंनै चेक पस्टखौ बोखारबाय



इम्फल, 16 फेब्रुवारी: मनिपुरनि चुराचान्दपुर जिल्लायाव राजा लामा नं 2 आव राइज्यो पुलिस आरो सिआरिफोरनि मोनसे हान्जाया शनिबारखालि जेना गोंनां गंनै आइन बेरेखायै फसनाय चेक पस्टफोरखौ बोखारो। जुथाय रेखाथि हान्जाया एनएड्स-2 आव कापरनि भलुन्टियार चेक पस्ट

## मनिपुरआव हाथियार आरो गुलि-बारुद लांबाय थानाय सानै आइजोफोरखौ हमदों



इम्फल, 16 फेब्रुवारी: होबथाजानाय कांलेइपाक कमिडनिस्ट पार्टि-पिपुल्स वार युपनि सा 4 सोद्रोमाफोरनि गेजेराव सा 2 आइजोफोरखौ हाथियार आरो

गुलि-बारुद लानानै थांबाय थानाय समाव हमनाय जायो होन्नानै मनिपुर पुलिसआ मिथिहोदों। बिसोरनिफ्राय गंनै मेगजिनजों लोगोसे गं 2

पिस्टल, माखासे दायनिगिरि जेराव बुकलेटआबो दफायो, गं 7 मबाइल फन आरो गां 2 सिनायथि बिलाइ बोखानो

हायो। सान्जा इम्फल जिल्ला पुलिसनि कामान्डाआ सन्देह खालामथाव उतरखारिफोरनि हाबाफारिनि सोमोन्दे जर'खा खौरं मोन्नायाव शनिबारखालि सान्जोफु समाव सान्जा इम्फल जिल्लायाव मोनसे थानो हाथाव जायगायाव अपारेसन खालामो। अपारेसननि गेजेरजों होबथाजानाय आफाद केसिपिनि सा 4 सोद्रोमाफोरखौ सान्जा इम्फल जिल्लानि आन्द्र पुलिस स्टेशननि मोन्थाय गोंनां ओन्सोलाव थाव पाम्पनि खाथि हुइकप हस्टपस्टनिफ्राय हमनाय जायो। बिसोर साब्रै सुबुंफोरनि गेजेराव सानैआ आइजोफोर, जायपोरा हाथियारपोर आरो

गुलि-बारुदनि स्मगिलं खालामनायाव दफायो। बिसोरखौ लेइचंबाम इबेसना देबि पंथुंगनगबि (26), मेइबाम टनि चानु देबि चिंखेंगनगबि (23), चफामायुम सुन्दर सिंह सुरेश (39) आरो नंथंबाम बइना मैतेइ लान्जडबा (48) मुडै सिनायथिनो हादों। पुलिस हान्जाया गंनै मेगजिनजों लोगोसे गंनै 9 एमएम पिस्टल, 9 एमएमनि गर 10 गोथां गुलि, माखासे अजद गोंनां फोरमानलाइ, गं 7 मबाइल फन, मोनसे स्लिं बेग आरो मोननै आइडि कार्डबो बोखानो हायो।

## मुम्बाइनि गंसे बिल्डिंआव अर नांनयजों सासे आइजोनि जिउ ख'हा



मुम्बाइ, 16 फेब्रुवारी : मुम्बाइआव रबिबार फुडव 11 टलानि गंसे बिल्डिंआव अर नांनयजों 42 बोसोर बैसोनि सासे आइजोनि जिउ गोमायो आरो सा 3 गुबुन सुबुंफोरा हां सरथेनायनि जाहोनाव जोखोम जायो। अर लुखोमोरग्रा बिफाननि सासे बिबानगिरिया

बेनि खौरं होदों। बिबानगिरिया फोरमायनाय बायदिब्ला, खोला मुम्बाइनि मसजिद बन्दर ओन्सोलाव थानाय पन्ना आलि मेन्शन बिल्डिंआव फुनि 6:11 रिगासोयाव अर नाडो। बे अरा सरासन्ना मिटर बक्स दोन्नाय जायगायाव मोब्लिबनि तारफोर, फसंथानफोर आरो बिल्डिंनि

मोब्लिब तारफोरसिमल' सिमना गोंनांमोन। बे अर नांनयनि उनाव उखुन्दै खुनायनि जाहोनाव गिबि टलानि सानै आइजोफोरा जोखोम जायो। बिसोरनि गेजेराव सासेखौ सबिला खानुन शेक मुडै सिनायथिदों, जाय जाथाइनि उनाव जिउ गोमायो। बेनि उनाव बिल्डिंनि 6 थि बिल्डिंआव सासे हौवा आरो 8 थि बिल्डिंआव सासे आइजोया हां लानायाव जेना जायो, जायफोरखौ देहा फाहामसालियाव थिसन्नाय जायो, जेराव बिसोरनि थासारिखौ दिदोम होन्ना फोरमायनाय जादों। जोखोम जानाय सा 3 सुबुंफोरखौ करिम शेख (20), साजिया आलाम शेख (30) आरो साहिनि शेख (22) मुडै सिनायथिदों। बे अरखौ फुनि 6:31 रिगायाव सामलायनो हादोंमोन। बे अर नांनयनि जाहोनखौ दासिमबो मिबथिनो मोनाखै।

## उतराखान्दनि हाग्रायाव अर नांनया आफेल बागानआव गोसारना 1200 बिफांफोरा सेवहांगार जायो



उतराखान्द, 16 फेब्रुवारी: चकराता ब्लकजों नांजाबनाय प्रनाह पखरी पन्चायटनि खेडा फिरथातआव थानाय जायगानि मोननै बागानफोरनि आफेल बागानफोराव नांनय अरनि बेंखनाव फैनयजों गासै 1200 फिथाइ गोंनां बिफांफोरा खामनानै सेवहांगार जायो। बे जाथायजों गोहोम गोग्लैनाय बागानफोरा लाख-लाख खहा जायो। बेनि खौरा मोन्नायाव खाजोना बिफाननि टिमआ जाथाय जायगाखौ नायबिजिरो। बिसोर खहा जानायनि रिपर्टखौ गोजौ थाखोनि बिबानगिरिफोरनो दैथाय हरो। सुलुडाव फोरमायनाय बायदिब्ला, बागानफोरनि गाहायाव थानाय हाग्रा जायगाफोराव नांनय अरा गिखंथाव महार लाना फारफ्रोमथिबो गोसारो। मख'नो गोंनांदि, जौनसार बावराव बांसिन गामिनि नख'रफोरा थांनानै थानायाव आबाद आरो बागाननि सायाव सोनारो। बे खेबआव समावनो अखा आरो बरफ गोग्लैनायनि जाहोनाव गाहाम फिथाइफोर मोन्नायनि मिजिं लाना

बागान दड। अरनि अलखदआव गोग्लैनायजों सुरत सिंहनि 700 आरो सुल्तान सिंहनि 500 फिथाइ थायनाय आफेल बिफांफोरा खामो। बे बागानाव आफेलनि अनगायै गुबुन फिथाइफोरनि बिफांफोराबो खामनानै सेवहांगार जायो आरो गोहोम गोग्लैनाय बागान बिगोमाफोरा खुंथाइनिफ्राय गाहाम अन्सुथाइनि दाबि दैखाडो। बे जाथायजों बागान थियारि खालामनायाव नांनय 7-8 बोसोरनि खस्ट खालामनाया दसे समनि गेजेरावनो सिलिंखार जायो।

पिस्टल, माखासे दायनिगिरि जेराव बुकलेटआबो दफायो, गं 7 मबाइल फन आरो गां 2 सिनायथि बिलाइ बोखानो

## मनिपुर-म्यान्मार सिमनायाव हाथियारजों लोगोसे सा 7 एनएनि केडारफोरखौ हमदों

इम्फल, 16 फेब्रुवारी: हारिजों हारि हिंसायारि जाथायजों दासिमबो आबुडे गोजोन थासारि फेयै मनिपुरनि चुराचान्दपुर जिल्लाव मोनसे थाखोमाग्रा जायगानिफ्राय सा 7 केएनएनि केडारफोरकौ हमदों। मनिपुर-म्यान्मार सिमनाजों नांजाबनाय ओन्सोलनिफ्राय बिसोर केडारफोरखौ हमदों। मनिपुर पुलिस कन्ट्रल रुमनि रिपर्ट बादिब्ला, के डारफोरजों लोगोसे हाथियार, गुलि-बारुद, बमा, रेडिअ सेट, गंसे साखा खबब्रै गारि आरो दावहायाव बाहायग्रा गुबुन मुवाफोरखौबो बोखानो मोनो। केएनएआ गाहायै मनिपुर-



म्यान्मार सिमनायाव सांग्राडे दड, जाय भारत आरो म्यान्मारनिफ्राय दरसे आलादा हादर दाबि कालामदों। म्यान्मारथिनि फारसनिफ्राय स्त्रोद खौरं मोन्नायनि उनाव भारतयारि रेखाथि हान्जाया शनिबारखालि चुराचान्दपुर जिल्लानि सांगिकट पुलिस स्टेशननि सिडव अलड

खौकुआव गामिआव मोनसे अपारेसन खालामो। अपारेसननि गेजेरजों सा 7 केएनएनि केडारफोरखौ हाथियारजों लोगोसे हमनो हायो। हमजानायफोरखौ सेइखगिनि हाइकिप एबा गिगिनि (37), नगमलेनगं माते एबा मंगनिय (25), सेइखमं हाअकिप एबा सेइमं (25),

# थुनलाइनि फिथिखा

गुसु फिथिखाखौ मोनलॉं बायब्ला  
नॉनि गोबॉं बिखानिफ्राय...  
बावनो आं बोरैथो,  
हाखानायथ' नड बावनो।  
आंदि अराय गोजोमनोसो लुबैयो  
उफ्ले-उफ्ले नॉनि गुवार गोबॉंआवनो,  
नॉनिनो अन्नायखौ मोनफुंनो  
आंनि हाबिलास जायो।  
दं नॉनि राइजोआवनो मानोना  
बयनिखुइबो गोदैसिन फिथाया,  
जेराव आंनि गोसोआ हांखुर जायो  
बै अमबूतनि बिदैखौ सोबनो।  
नाथाय...खायसे सुबुंफ्रा आंखौ  
बजबनो थानायाव नॉनि अन्नायखौ  
जावलिआसो होन्नाने बुंसे,  
मानोना बिसोर.....  
नॉनि फिथिखाखौ मोनलॉंफेराखै।  
नॉंबो मोनलॉंफेरनाय मोनब्ला  
मिथिगोमोन नॉंबो अब्ला...  
बै फिथिखा नि बिदैखौ  
बेसेदि गोथाव आरो बेसेदि गोदै।  
दा आं नॉनि गोबॉंयावनो थानानै  
संसारनि गेना खान्थिफोरखौ  
नॉनि गोबॉंनिफ्राय बोहैबोनाय  
गुसु दैमुनि दैजो सुप्रानो लुबैयो।  
नाथाय ...आंबादि  
नंखाय बावदा खन्थायगिरिया  
आंनि आखायनि नंखाय रेबगना  
नॉनि गुवार लैथोयाव गास'नो हाया,  
अब्लाबो लुबैयो सानसिनो, नॉनि गोबॉंआव।  
दंब्लाबो जेन्नाय आरो देरहानाय  
थेवब्लाबो लुबैयो हानथिनो मानोथाय,  
आखायनि रेबगनखौ लोगोआव लानाय  
नॉनि बै फेलाव बिखायावनो।

सुबास बसुमतारि  
कसुगाव ( थाप्लाज 'रा )

## होनबावनो मा आं

होनबावनो नॉनि सिगांयाव मा आं  
मोनथिनो सोर आंनि दाहाखौ दुखुखौ  
सानो आं बावगारनो महरखौ नॉनि  
मोनो नाथाय होबायनॉं आंखौ दुखुनि मोदै।  
नॉंखौ आं आगोमोन लानो बजबनानै  
आंनि नाथाय जिउआव दुखुथिया मानोबा  
मोनो आं लाजिनाय मुगेनाय मानो  
आंनि मोदैनि थरथिसे दाहारखौ मानोबा।  
सुरनांजे मानोबा आं सुखु-दुखुनि हांमा  
आलारि बाथि अरायसमनि लानानै  
गुगुब हान्थु खरायनानै "बाथौ" बोरायनाव  
बोर बियो आं आफा "शिब" बोरायनाव।  
गैया गोसो होनो बिसोरखौ थेवबो  
सोरनोबा होदों दोन दौलर बिसोरबो  
होदों गरिब-गुन्द्रा सोरनिबा नखराव  
इसोरबो बेबायदिनो सिनाय मोनला गरिब गुन्द्रा।  
गैयामोन एना-एनि सुबुं माहारि गेजेराव  
खौसेयाव थानायमोनब्ला सुबुं माहारिआव  
जिउ खोमानांजे सोरबाबा आस'खन्दा,  
जानानाय नडमोन थैनि बाना सोरबाबा।  
बुथार जानाय नडमोन सोरबाबा नायगार नायगार  
जाथाय गैयामोनब्ला बेफोर बायदि-  
गासैबो सुबुंयानो बिदा-फंबाय, बिमा-बिफा  
सुख सान्थिडे रायजोजानाय बायदि नखरसेयाव।  
मालायखौ मुगे नाड बेफोरखौ सानानै  
सोखारिनो नड, गुबुन हारिखौ  
देरगानो नाड गावनि दोन दोलरखौ लानानै  
बेफोरजादों दिनै राजा, गाबनि फोरजा।  
गेलेनाय गासैबो इसोरनि माइआसो-  
रावबो रावखौ खालाम नाड हेंथा हेसि  
मालाइनि जानाय थाखायखौ दुसिनाड  
बयबो रावनिनो आंगो बिमा-बिफा।  
रावबो नड, गावनि आंगो असे'-'-

मुसि मोकथां कुमार ब्रह्म  
दतमा गोजीसिन फरायसाली  
गामि - शामधरपारा।

# आंनि गोसोनि दुखु

आं जाबाय सासे  
निखाउरीनि फिसा;  
गोसोजो लुबैनायखौ  
नांगो सानब्लाबो मोना।  
आंनि गोसोनि दुखुखौ  
सोर मिथिनो।  
मानो सानबाय थायो,  
आं आंनि दुखुखौ।  
सामफ्रोमबो जानाय  
लॉनाय मानि आंखाम  
उखेया दै गाड  
जेरावखि थाड  
दुखुखौ सानखांबाय थायो।  
लेखा फरायनायावबो  
दुखुखौ सानै सानै  
मोदिया र'गयो।  
नाथाय आंनि गोसोआव  
लोगोफोरजो राइज्जालाब्लाबो  
दुखुखौ सानखांबाय  
थायो मानो ?  
सोर मिथिनो सोर खोनासंनो  
आंनि गाबनायखौ  
रावबो मिथिया,  
आंनि गोसोनि दुखुखौ

मुसि रिनदाव बसुमतारि  
गामि- 12 नं भुंका  
जिल्ला- कक्राझार बि टि सि ( आसाम )।

## आंनि फोथाराव

नै, गोसो  
हमथा नॉं आंखौ,  
नॉं दाहगारसे  
आरोबाव आंखौ  
गोदाव-सोरावयै।  
मंगिल हाबबाय दिने  
आंनि गासिबो देहा सोलेर,  
लामा दथानि  
हायाव गोरलैसोना थानाय  
दाखोर बिलाय बायदि  
लुबैदों आंबो दिने  
सिरियै उन्दुप्रोनानै थानो।  
मोजां मोनलायनायनि  
खेला गेलेयै-गेलेयै  
सिमाडवनो सिमां सुजुनानै  
आं दिने  
एसेबां गोजान सौफैबायदि  
आं आरोबाव एसेबो  
आगान सुरनो हालिया।  
आंनि लामानि  
मोनफ्रोमबो आगानावनो दड  
बोखारख' हायै सुफोर।  
आंनि फोथाराव दिने  
सानाव सान नुलिया,  
आरो हराव अखाफोर नुलिया।  
आं गिदोंसे दिने  
आंनि फोथाराव.....  
गाबोन मा जागोन।  
गोजासिबदों सोलेरा आंनि  
बेखौनो सानै सानै।

मिजिं नाजारी  
गरुभासा, चिरां

## बिपिएफनि सा 9 मावथिफोरा इउपिपिएल दोलोआव जइनिं जादों

गसाइगाव, 16 फेब्रुवारी: हाग्रामा  
महिलारी दैदेन्नाय बिपिएफ  
दोलोनि गागि दैदेनगिरिया  
इउपिपिएल दोलोआव हाबनाय  
लोगो लोगोनो जिल्ला आरो ब्लक  
कमिटीनि माखासे दोलोन  
दैदेनगिरि आरो मावथिफोरा  
सानफा-एफाथै इउपिपिएल  
दोलोआव हाबनायखौ नुनो  
मोन्नाय जादों। दासान्दि  
सरइबिल बियाबनिफ्राय माखासे  
लाइमोन दैदेनगिरिफोरा बिपिएफ  
दोलोखौ नागारनानै इउपिपिएल  
दोलोआव हाबफेदों। मख'नो  
गोनांदि, गसाइगाव जिल्ला  
इउपिपिएलनि मावख'आव खुंनाय  
मोनसे जइनिं हाबाफारियाव  
गसाइगाव जिल्ला कमिटीनि  
मावफुं नेहाथारि प्रबान मुसाहारिजों

लोगोसे सरइबिल ब्लक कमिटीनि  
सा 9 लाइमोन दैदेनगिरिफोरा दिने  
इउपिपिएलआव जइनिं जाफेयो।  
ओन्सोलनि एमएलए जिरन  
बसुमतारिनि नुजाथियानायाव  
गोदानै इउपिपिएल दोलोआव  
हाबफेनायफोरखौ आर'नाइ  
गानहोनाने दुंबुदयै बरायनाय  
जादों। गुबुन फारसेथिं, एमएल  
जिरन बसुमतारिआ  
खौरांगिरिफोरनि सिगाडाव  
बुंथियोदि, आथिखालाव  
बिपिएफनि गोबां दैदेनगिरि  
आरो मावथिफोरा इउपिपिएल  
दोलोनि सान्थौ आरो खामानि  
मावनायनि आदोब-खायदाखौ  
मोजां मोन्नायजों लोगोसे  
बिदा-फंबाय सानलायनायनि  
आदर्शखौ मोजां मोन्नायै गोबां

# रंजालि गथ'फोरनि सौरा

## दा हामा सुरनांबाय

दा  
हामा  
सुरनांबाय  
गोहो बोलो  
थानाय बिलियाव जा दुगाथारमोन

दा  
नॉनि  
गोहोया  
मोस्रोम बादि  
जाम जाम जानो हानाय गोहो गैला

दा  
नॉनि  
सेरनिफ्राय  
अराय बोथोर  
जाबाय थानाय नुखागोन दल बाग्रा

दा  
नॉजों  
सोर मानो  
थाबाय थानो  
जेराव राजखान्थि गोहो गैलाबा

रैदोम बर, बाक्सा

## मोगथांजों जुजिनाय

जाय गोसो हमथानायाव  
अगेन नुयो  
बिखानि खामगिलनाया  
गोसोनि बायप्लेनाय  
दाहा नंआ  
मोगथांजों जुजिनाय  
थाखि जाफुनायनिसे।

सबिराम बर'  
राबां, बाक्सा

## बाक्सा-तामुलपुर जिल्ला बड'लेण्ड मुंखनं नख'रारि आफादआ मुंखनं नख'रफोरनो 5 लाख रानि अन्सुंथाइखौ थाबैनो होजोबनो गोखों दाबि

( 1 बिलाइनिफ्राय ) जिल्ला मुंखनं नख'रारि आफादआ। दिने बाक्सा जिल्लानि बरबरिआव मोनसे आलांगा मेल जथुमनायनि गेजेरजों  
बाक्सा जिल्ला बड'लेण्ड मुंखनं नख'रारि आफादआ बड'लेण्ड सोमावसारनायाव मुंखनं जालांनय नख'रफोरनो 5 लाख रानि अन्सुंथाइखौ फेगौ  
बिटिसि बिसायख'थिनि सिगांआवनो होजोबनो नांगो होन्ना गोखों दाबि खालामदों। बिथांमोनहा अजद दैखंदोंदि- थानाय समाव सरकारनिफ्राय  
5 लाख रानि अन्सुंथाइ मोनखानाय सुबुंफोरानो फिन आरो मोननो हाबावदों। नाथायबा खेबसेबो मोनथारै गोबांआनो दासिमबो सरकारनिफ्राय  
अन्सुंथाइखौ मोननो हायाखै। बेनिखायनो खुंथाइ गोहोनि सरकारा बेनि सायाव नायबिजिरनानै दासिमबो अन्सुंथाइ मोननो हायै मुंखनं नख'रफोरनो  
होनांगो होन्ना दाबि खालामो। थानाय 1987 माइथायनिफ्राय 2020 माइथायसिम बड'लेण्ड सोमावसारनायाव मुंखनं जालांनय नख'रफोरा  
सरकारनिफ्राय 5 लाख रांखौ अन्सुंथाइ महरै मोननो हायैआव गोबां नख'रफोरानो नोरजिया जालांनय। बिपिसि, बिटिसि आरो बिटिआर  
गोरबोथालांनय। नाथाय गोबां नख'रफोरानो सरकारनिफ्राय 5 लाख रांखौ अन्सुंथाइ महरै मोननो हायाखै। जायनि थाखाय गोथौयै दुखु  
मोन्नायखौ फोरमायदों बाक्सा जिल्ला बड'लेण्ड मुंखनं नख'रारि आफादआ। मख'नो नांगोनदि, बाक्सा जिल्लानि बड'लेण्ड मुंखनं नख'रफोरा  
सरकारनिफ्राय फोसावनाय 5 लाख रांखौ गोबांआनो मोननो हायाखै। बाक्सा-तामुलपुर जिल्लाआव गासै सा 909 मुंखनं नख'रफोरानो  
सरकारनिफ्राय 5 लाख रानि अन्सुंथाइखौ मोननो हायाखै होन्ना बाक्सा जिल्ला मुंखनं नख'रारि आफादनि आफादगिरि चंदि बर'आ फोरमायथियो।  
जायनि थाखाय आदा थानाय नख'रफोरनो अन्सुंथाइखौ थाबैनो होजोबनो बिटिआरनि गाहाइ मावफुंगिरि प्रमद बर'खौ खावलायदों। खुंथाइ  
गोहोनि सरकारा मुंखनं नख'रफोरनो 5 लाख रानि अन्सुंथाइखौ फेगौ बिटिसि बिसायख'थिनि सिगांआव होजोबनो हायाब्ला फेबाय थानाय  
बिसायख'थिनि समाव गोखों राहा लागोन होन्ना बाक्सा जिल्ला बड'लेण्ड मुंखनं नख'रारि आफादनिफ्राय हुमखि होयो।

## दुलाराय आसाम आदिबासी फरायसा आफादनि 20थि महासभाखौ खुंनो थाखाय बराय आफाद दादों

( 1 बिलाइनिफ्राय ) हाबाफारिबो लाबोबाय थादों। दिने आदिबासी हारिनि जातीय आफाद आसनि दैदेन्नायाव 20थि आदिबासि महासभाखौ  
बे खेबआव गसाइगाव तिलीपारायाव फेगौ एप्रिल दानआव सानथामनि हाबाफारिजों खुंफुंनो लानाय जादों। बेनिखायनो आदिबासी महासभाखौ गाजा-  
गोमजायै खुंफुंनोना थाखाय बिटिसिनि मावफुं सोद्रोमा उड्लसन हास्दाखौ आफादगिरि आरो राजु तिगा आरो सत्यनाथ तुदुखौ मावफुं आफादगिरि, सम सेरनखौ  
गाहाइ नेहाथारि महरै सायख'नानै गासै सा 45 सोद्रोमाफोरखौ लानानै बराय आफाद दाफुंनो होनाय जायो। बे खेबनि आदिबासि महासभाआव सोनाब बंग,  
झारखान्ड एबा गुबुन गुबुन रइज्जोफोरनिफ्राय आदिबासी समाजनि मेलेमजिबि, समाजआरि मावथिफोरखौ हांखायनायजों लोगोसे नसुंसेयारि हदद नेपाल,  
बांलादेशफोरनिफ्रायबो गोबां आदिबासी मेलेमजिबिफोरा बाहागो लाफेगोन होन्नाने दुलायय आसाम आदिबासी फरायसा आफादनि गाहाइ बोसोनिगिरि  
अमुस हेमब्रम आरो आसनि मिरनि बारा' गाहाइ नेहाथारि सामवेल हेमब्रम मोनहा रदाव बिबुंसारनि गेजेरजों मिबथि होदों।

## बिजनीनि आसाम सोमावसारनायनि सासे दैदेनगिरि भुपेन दासआ रुंसारि जाबाय



दालाय कमिटी, असम नाट्य  
सम्मिलननि बिजनी बिधान सभा  
समिति, असम गण परिषद,  
बिजनी रंगाली बिहु उडजापान  
समन्वय समितिजों लोगोसे गुबुन  
गुबुन आफादफोरा बिथांखौ  
जोबथा मान बाउवो। मख'नो  
गोनांदि, भुपेन दासआ बिजनी  
जयकिशन कलाबनि नेहाथारि,  
आसाम नाट्य सम्मेलननि बिजनी  
दालाय आफादनि नेहाथारि,  
बिजनी जिल्ला गेलेमु आफादनि  
सोद्रोमा जानायनि अनगायैबो  
बिजनी रंगाली बिहु सेलिब्रेशन  
क'-अरडिनेसन कमिटी, बिजनी  
हली चाइलड सेनियर सेकेन्डारि  
स्कूलजों लोगोसे बिजनीनि गुबुन  
गुबुन समाजारि आफाद आरो  
फसंथानफोरजों लोब्बा दंमोन।

दैदेनगिरिफोरानो सानफा-एफा  
इउपिपिएल दोलोआव  
हाबफे गासिनो दड होन्नाने  
मख'दों। प्रमद बर'नि  
दैदेन्नायाव इउपिपिएल  
दोलोआ गेना गैयै आरो आबुथि  
गोनांडे खामानि मावनायजों  
बिटिसिनि राइजो-राजाफोरा  
जौगानाय आरो दावगानायनि  
फारसे जाफुंसारनाय लामाजों  
आगान सुरासिनो दड होन्नाने  
बिथाडा खौरांगिरिफोरनि  
सिगाडाव बुंथियो। दिनेनि बे  
जइनिं हाबाफारियाव गसाइगाव  
जिल्ला इउपिपिएल दोलोनि  
लेडाइ आफादगिरि लक्ष्मनाथ  
नाजारी, गाहाइ नेहाथारि रानानु  
ब्रह्मजों लोगोसे गोबां दोलोनि  
दैदेनगिरिफोरा नुजाथिदोंमोन।

बिजनी, 16 फेब्रुवारी: आसाम  
भलीबल दोलोन बारा' केप्टेइन  
आरो रइज्जो सभानि बारा' एम.  
पि. कुमार दिपक दासनि फंबाय,  
जाय आसाम सोमावसारनायनि  
सासे दैदेनगिरि चिरांनि बिजनीनि  
थागिरि भुपेन दासआ रुंसारि  
जाबाय। मिबथिनो मोननाय  
बादिब्ला, लिभारनि बेरामजों  
नाखेवजानानै गुवाहाटी मेडिकल  
कलेज हस्पिटलआव फाहामथाय  
लाबाय थानाय भुपेन दासआ  
रबिबारखालि सानजौफुनि 12:45  
रिंगायाव जोबथा हां बोयो। थैनाय  
समाव बिथांनि बैसोआ 59  
बोसोरमोन। बिथांनि न'आव  
बिथांनि जिउ गैयै सोलेरखौ  
लाबोनायनि उनाव गोबां दैदेनगिरि  
आरो अन्सायगिरिफोरा बिथांखौ

# महाकुम्भखौ लानानै राजदिनि गाहाड लालु प्रसादिनि जेंना गोनां बिबुंथि

पाटना, 16 फेब्रुवारी: शनिवारखालि हरआव गोदान दिल्ली रेलवे स्टेसनआव गिखंथाव जात्रथाय जानायनि खौरां मोन्दों। गोदान दिल्लीनिफ्राय प्रयागराज महाकुम्भआव थांनाय सिबियारिफोरनि होंगो-दोंगोनि गेजेराव हरखाव खारखाव-खारसि जायो। बेयाव सा 18 सुबुंफोरनि जिउ गोमायो आरो गोबां जोखोम जायो। बे जात्रथायनि उनाव गाहाड मन्थि मदिजों लोगोसे माखासे गागि दैदेनिगिरिफोर बेखौ दुखु मोन्नाय फोरमायदों। बेराफार्से बे आयदायाव मिरुनि बारग' रेल मन्थि आरो राजदिनि गाहाड लालु प्रसाद यादबआ फिनजाथाय होदों। गोदान दिल्लीनि रेलवे



स्टेसनआव खारला-खारसि जानायनि सायाव बिथाड दुखु मोन्नाय फोरमायनानै भुगिनांनायफोरनि फार्से गोथौ दुखु फोरमायथिदों। बेनि थाखाय रेलवेखौ यादबआ दाय होदों आरो बुंदोंदि, रेलवेनि मोजाडै सामलायैनि जाहोनावनो बेबादि जात्रथाया जादों। बेनि दाय एबा बिबानखौ रेल मन्थिआ लानांगौ। महाकुम्भआव सिबियारिफोरनि

उसिफावनाय होंगो-दोंगोखौ लानानैबो बिथाड जेंना गोनां बिबुंथि होयो। बिथाडा महाकुम्भआ बबेआव आरो मानि बेजों जेबो अँथि गैया, कुम्भआनो फालथुसो होन्नानै बुडो। मख'जाथावदि, गोदान दिल्ली रेलवे स्टेसननि जात्रथायाव जिउ गोमानाय सा 18 सुबुंफोरनि गेजेराव सा 9 आ बिहारनि होन्नानै खौरां मोन्दों।

# ब्राजिलनि ज 'रासे बिसि-फिसाइआ वर्ल्ड रेकर्ड खालामदों

गोदान दिल्ली, 16 फेब्रुवारी : ब्राजिलआव ज 'रासे बिसि-फिसाइनि जुलिया 84 बोसोर आरो 77 सान जालांबाय। अदेबानि मनएल' एन्जेलिम डिन आरो मारिया डि मुसा डिननि मुडा गिनिज वर्ल्ड रेकर्डआव थिसनजादों। बे ज 'राया बयनिखुइ गोलाव समसिम थांना थाग्रा ज 'रा जानाय आरो बिसोरनि मोजां मोनलायनायनि सल'या 1936 आव जागायदोंमोन। बिसोर सानैआ 1936 आव लोगो मोनलायदोंमोन आरो बेनि उनाव 1940 आव ब्राजिलनि सेराआव मोनसे चेपलाव समायखिरा लादोंमोन। बै समनिफ्रायनो लानानै दासिमाव बिसोर मोनसे समायना जिउ खादों। बिसोरहा सा 13 फिसाफोर दं आरो आथिखालाव बेयो मोनसे



जोबोद गिदिर नख'र। बिन नख'राव सा 55 फिसौज्ला-फिसौजो आरो सा 66 बियाय-सियायंफोर दं। ब्राजिलनि बे ज 'रानि सिगां बयनिखुइ लावसिन समसिम लोगोसे थाग्रा जरया कानाडानि डेविड जेकब हिलार आरो सारा डेभि हिलारमोन। लनोविकवेस्टआ

मोनसे आफाद, जाय 100 बोसोर बैसोनिखुइ बांसिन बैसोनि सुबुंफोरनि जिउनि सायाव नोजोर लाखियो। बे आफादा इनस्टाग्रामआव ब्राजिलनि बे ज 'रानि जिउनि दावबायनायखौ शोयार

खालामदोंमोन। बिसोर फोरमायदोंमोनदि, मनएलआ मारियाजों गिबि नोजोरारवनो मोजां मोन्दोंमोन। बिसोर बेनि खौरांखौबो शोयार खालामोदि, मारियानि नख'रनि सुबुंफोरा जागायजेन्नायाव बिसोरनि

सोमोन्दोखौ हँथा होदोंमोन। नाथाय मारियाजों लोगोसे थानो थाखाय समायखिरा लानाय मनएलआ मारियानि थाखाय गंसे न' बानायनो थांखि लायो। बेनि उनाव मारियानि नख'रनि सोद्रोमाफोराबो गनायथि होदोंमोन। आथिखालाव बिसोर सानैनि जुलिया 84 बोसोर जालांबाय। नाथाय दिनेबो बिसोर सानैनि अनलायनाया जोबना थाडखै। आथिखालाव मनएलआ 100 बोसोर जालांबाय आरो बिन जाहोनाव बियो बांसिन समखौनो आराम खालामो। नाथाय जेबलाबो बेलासि समाव बियो मारियाजों लोगोसे रेडियआव रजरी प्रार्थना खोनासडे।

# पाकिस्तानाव लामानि जात्रथायाव सा 16 सुबुंफोरनि जिउ ख'हा आरो सा 45 जोखोम

इस्लामाबाद, 16 फेब्रुवारी : पाकिस्ताननि सिन्धआव सेहवान सहर फारसे थांबाय थानाय गंने गारिया गिखंथावै सौग्रावनाय जाथायाव सा 16 दावबायारिफोरनि जिउ गोमायो आरो सा 45 जोखोम जायो। खौरांनि बायदिब्ला शनिवारव लाल शहबाज कलन्दरनि उर्स सौहैनायनि इसे सिगां बे जात्रथाया जायो। बेनि अनगायै सिन्धनिनो शहिद बेनजीराबाद जिल्लानि काजि आहमेद सहरनि साखाथियावबो गंसे भेनआ ट्रेलरजों सौग्रावो, जेराव सा 5 सुबुंफोरनि जिउ



गोमायो। बे जात्रथायाव सा 10 जोखोम जायो। बेनिफ्राय मोनसेबाव गुबुन जात्रथायाव

सा 11 दावबायारिफोरनि जिउ गोमायो आरो सा 35 जोखोम जायो। पाकिस्ताननि पान्जाव

राइज्योनि बुरेवालाआव रानिपुर साखाथियाव जात्रथाइ जायो। खौरांनि बायदिब्ला काजी

# जार्मानीआव बानायनाय गारि अडि आरएस किउ 8 पार्फर्मेन्सखौ भारतआव लाबोनो थियारि खालामदों



गोदान दिल्ली, 16 फेब्रुवारी: भारतयारि बाजारआव माखासे कम्पानीफोरनि फार्सेनिफ्राय स्पर्टस आरो लाग्जारी कारफोरखौ अफार खालामनाय जायो। जार्मानी बानायनाय अडिखौबो भारतआव गोदान गारि महैरे गोखों निन्जन आरो फिसार्चजों

लोगोसे लाबोनो थियारि कालामगासिनो दड। थाबैनो कम्पानीनि फार्सेनिफ्राय बे गारिखौ लन्च खालामनो हासिगौ। बे गारिआव गोखों इन्जिन आरो साबसिन फिसार्चफोर अफार कालामनाय जागोन। अडि आरएसआव

कम्पानीनि फार्सेनिफ्राय 4 लिटर गोहोनि भि 8 इन्जिन होनाय जागोन। जायजों बेयो 631 हर्स पावार आरो 627 निउटन मिटरनि टर्क मोनगोन। बे गारिआव कम्पानीनि फार्सेनिफ्राय 8 स्पीड टिप्ट्रनिक ट्रेन्समिसनखौ

होनाय जागोन। बेजों 3.4 सेकेन्डनि गेजेरावनो घन्टयाव 0-100 स्पीडजों सालायनो हागोन। बेनि टप स्पीडआ घन्टयाव 250 कि:मि:सिम जागोन। बेयाव कम्पानीनि फार्सेनिफ्राय माखासे साबसिन फिसार्च आरो सेफिट फिसार्चफोर होनाय जागोन। कम्पानीनि फार्सेनिफ्राय भारतयारि बाजारआव बे एसइउभिखौ 17 फेब्रुवारीआव खावसे महैरे लन्च खालामनाय जागोन। लन्चनि सिगाडवनो बे गारिनि थाखाय बुकिंआ जागायखांबाय। 5 लाख राडव अनलाइन आरो अफलाइन मडजों बेनि थाखाय बुकिं खालामनो हागोन। भारतआव बे गारिखौ लन्च खालामनायनि उनावनो थि बेसेननि खौरां मोनगोन। नाथाय बेखौ 2 कीटि रनिखुइ बांसिननि एक्स शरुम बेसेनआव लाबोनो हागौ होन्नानै मिजिथिदों।

# मनिपुर-म्यानमार सिमनायाव हाथियार, गुलि-बारुद आरो बेरफ्रुग्रा बेसादफोर बोखांनो हादों

इम्फाल, 16 फेब्रुवारी: आसाम राइफल्सनि मावसुमाफोर मनिपुर-म्यानमार सिमनानि सन्देह खालामथाव सिमना ओन्सोलखौ थांखि खालामनानै मोनसे हाबाफारि सालायो आरो थांनाय 24 घन्टयाव हाथियार, गुलि बारुद आरो बेरफ्रुग्रा बेसादफोरनि मोनसे बाखि बोखांनो हायो होन्नानै बिबानगिरिफोरा रबिबारखालि फोरमायो। मनिपुरनि तेंनौपाल जिल्लयाव सिमना खुन्थिया नम्बर 73 आरो 74 नि खाथियाव उतखारिफोरनि आयेन बेरेखा केम्पआव हाथियारफोर आरो गुलि बारुद थानायखौ संगालि



खौरां मोन्नायाव आसाम राइफल्सआ मोनसे नायबिजिसाय हाबाफारि सालायो। नायबिजिसाय हाबाफारियाव माखासे दावहा नांग्रा बेसादफोरनि बाखि बोखांनो हायो। जेराव गंने 12 बर पाम्प गान, गंसे बेरल राइफल, थरखे 36 हेन्डग्रेनेड, थरनै मटरला सेट बेटारिजों लोगोसे

9412 बर गुलि-बारुदबो दंफायो। बिबानगिरिफोरा बुडोदि, हाबाफारिनि गेजेरजों रावखौबो ग्रेप्टर खालामनाय जायाखै। नाथाय बोखांनो हनाय बेसादफोरखौ इयुनि आयेनारि नायबिजिसायनि थाखाय मनिपुर पुलिसनो गथायना होनाय जाबाय।

# गरखपुरआव गं 3 गारिफोरनि सौग्रावनायाव सानै लाइमोनफोरनि जिउ गोमादों

गरखपुर, 16 फेब्रुवारी: बानायबाय थानाय एक्सप्रेस वेआव भगवानपुरनि खाथियाव रबिबारखालि फुडव मोनसे गिखंथाव लामानि जात्रथाय सोमजियो। बे जात्रथायाव सानै लाइमोनफोरनि जिउ गोमायो आरो महाकुम्भनिफ्राय फेफिनबाय थानाय नेपालनि सा 3 सिबियारिफोरा गोब्राबै जोखोम जायो। बे जाथाया फुनि 5.30 रिगायाव भगवानपुरआव



टल प्लाजानिफ्राय 200 मिटर सिगां खजनि ओन्सोलाव जायो। बे जाथाया बै समाव

जायो जेब्ला महाकुम्भनिफ्राय फेफिनबाय थानाय गंसे साखा खबब्रै गारि (एटिगा) आरो

महाकुम्भ थांनाय थानाय गुबुन साखा खबब्रै गारि (मारुति नेक्सा) जों मोगा-मोगि सौग्रावो। बे समाव नेक्सा कारनि उनाव फेफिनबाय थानाय गंसे मटरसाइकेलआ गोखैयै फैनानै एटिगारि सौग्रावो। बे जात्रथायाव मटरसाइकेलआव गाखोनाय सानै लाइमोनपोरा गोब्राबै जोखोम जायो। बिसोरखौ एम्बलेन्सजों जिल्ला देहा पाहामसालिआव लांनाय

जायो, जेराव डाक्टरफोरा बिसोरखौ जिउ गोमाबाय होन्नानै फोरमायो। जिउ होमानायपोरनि सिनायथिखौ पिपिगन्जनि रजवारि गामिआव ताग्रा अवधेश आरो जसवलनि थागिबि 45 बोसोर बैसोनि धनेश जयसवाल मुडै सिनायथि होदों। बेनि अनगायै एटिगा कारआव गाखोनाय सा 7 सुर्फोरनि गेजेराव सा 3 सुबुंफोराबो जोखोम जायो।

# अयध्याआव रामलला दर्शन खालामनो थांनाय ट्रेभेलार गारि जात्रथायाव सा 4 सुबुंफोरनि जिउ गोमादों

बराबंकी, 16 फेब्रुवारी: उत्तर प्रदेशनि बाराबंकी जिल्लयाव नर्थ-इस्ट एक्सप्रेस वेयाव रबिबार अखानायसि समाव मोनसे गिदिर जात्रथाय जादों। लाखिनानै थानाय गंसे बासआव उनथिनिफ्रा फेबाय थानाय ट्रेभेलार गारिआ सौग्रावफैयो, जेराव सा 4 सुबुंफोरनि जिउ गोमायो आरो सा 6 सुबुंफोरा गोब्राब जोखोम जायो। जात्रथायनि खौरां मोन्नायनि उनाव पुलिसआ जायगासिम सौहैयो आरो जोखोम जांनाय फोरखै फाहामसालिसिम दैथायहरो। बेराफार्से गोथै सहफोरखौ बेंखनआव लानानै पस्टमर्टमनि थाखाय दैथायहरो। सुलुनि बादिब्ला, ट्रेभेलार गारिआ महाराष्ट्रनिफ्राय अयध्याआव



रामलला दर्शन खालामनो थांदोंमोन। बे समावनो पुर्वाञ्चल एक्सप्रेस वेआव लाखिनानै थानाय बासआव सौग्रावहैयो। जोखोम जानायफोरा फोरमायदोंदि, ड्वाइभारआ उन्दुनो ओंखारनायनि जाहोनाव

जात्रथाय जायो। जात्रथाया लनी कटरा एरियानि पुर्वाञ्चल एक्सप्रेस वेआव रबिबार फुनि 5.00 रिगासो समाव जायो। ट्रेभेलारआ महाराष्ट्रनिफ्राय बुन्दाबनआव थांदोंमोन। बेयाव गिदिंखानायनि उनाव गासैबो अयध्यासिम थांनो

नागिरदोंमोन। पुलिसनि बादिब्ला, जिउ गोमानायफोरनि गेजेराव नान्देडू, महाराष्ट्रनि दिपक, सुनिल आरो अनुसुइया बाइआबो दंफायो। बेराफार्से जोखोम जानायफोरखौ लखौआव गोजौ फाहामथायनि थाखाय दैथायहरो।

## गोग्गो आरगे गुन गोनांनि बिथायाव फिन 564 बिजाथिफोरनो थिसन्थाय बिलाइ गथायदों

गथायो । बेनि अनगायैबो दिनेिन हाबाफारियावनो गिबि मन्श्रिआ मिरु सरकारनि अर्जुन बान्थाजों मान होजानाय मुंद्रांछा आचारं जयन्त तालुकदारनो लेङाइ पुलिस बिबानगिरि ( डिएसपि) मासिनि थाखाय थिसन्थाय बिलाइ गथायना होयो। बाश्रा होनाय बायदियै आधिखालसिमाव 1 लाख थिसन्थायखौ आवुं खालामनानै राइज्यो सरकारआ 1 खावसे लाख थिसन्थायनि फारसे सिगंगानाे दिनेे गासै 564 बिजाथिफोरनो हाबाफारि बायदियै थिसन्थाय बिलाइखौ गथायना होयो। मख'नो गोनांदि, दिनेिन हाबाफारियाव 2023 माइथायनि जुथाय बादायलायनाय आन्जादाव उश्रिनाय बिजाथिफोरनि सा 43 सुबुंफोर मावसुमा बिफानआव, सा 35 बिजाथिफोर नख'र आरो राजखान्धि बिफानआव, सा 96 बिजाथिफोर रांखान्धि बिफानआव, सासेयै बिजाथिफोर फारियै–एक्साइस, स्किल आरो इट्रेप्रेनारशिप बिफानआव, साथाम बिजाथिफोर फारियै पन्सायत आरो गामि जौगाळां, समबाइ आरो खाजोना– अलखद सामलायथाय बिफानआव साब्रै बिजाथिफोय लेबार अन्साय बिफान सा 11 बिजाथिफोर सोलोंथाय (गुदि) बिफानाव थिसनजानायजों लोगोसे जुनात फिसिथाय आरो जुनात फाहामथाय बिफानाव सा 73 बिजाथिफोर, सुबुं देहा खारिकरि बिफानाव सा 262 बिजाथिफोर आरो हारिसुआरि आयदा बिफानाव सा 28 बिजाथिफोर थिसनजादों। बेखौ लोब्बा लानानै बिबुंधि होनायाव गिबि मन्श्रि ७ शर्मांआ गोग्गो थिसन्थायजों लोगोसेनो राइज्योनि सरसनस्त्रा सुबुंफोरनो बांसिनथारै सिबिथाय होनायनि थाखाय मोजां खुंथाइ रहाजों लोगोसे रोंगोंथि आरो गोख्रै खुंथाइ रहा सोरंजिनायाव गोनांथि होयो। बिथाङ बुंदोंदि, दरसे राइज्योनि खुंथाइ रहानि गाहाइ थांखिया जाबाय मोजां खुंथाय। जेब्बा दरसे राइज्योनि मोजां खुंथाइनि आंखाल जायोब्बा बेनि गोहोमथिया फारियै समाजनि गासैबो थाखौआवनो गोरलेंनो जागायजेनो। गिबि मन्श्रिआ बुंदोंदि, जेब्बा मोनसे रहानि फारसे सरसनस्त्रा सुबुंफोर खुद्रिखाडोब्बा समाजआव गोजोन गयैआ जागायजेनो आरो समाजनि सायाव सरसनस्त्रा सुबुंफोरनि गुन गोनां सान्नाय–हनाया फारियै बाङइ जानो जागायजेनो। गिबि मन्श्रि ७ शर्मांआ बुंदोंदि, जेब्बा सरकार आरो समाजनि गेजेराव जान्थाया बाडोब्बा सोलिबाय थानाय रहा खुान्थिखौ हेंथा होग्रा सुबुङ जोनोम जायो। सरकारआव सोलिबाय थानाय रहानि फारसे सरसनस्त्रा सुबुंफोर जाहाथे खुद्रिखाङ बेनि थाखाय नरेन्द्र मदिआ गाहाइ मन्श्रि महरै गावनि 10 बोसोरारि मावफुं समाव मोजां खुंथाइनि मोनसे दाथाय सोरंजिनायनि थाखाय नांगो बायदि गोबां नाजादों होन्नानै गिबि मन्श्रिआ बुंदोंदि, गाहाइ मन्श्रि मदिनि बेे नाजानायनि जाहोनाव सरकारनि खामानि–दामानिनि हाबाफारिया गोबां बिबानि गोरलै जादों आरो बेजों लोब्बा थानाय सोमोन्दे गोनां गासै बिखान्थिया ‘ सिस्टेम इिभेन’ एबा रहाखान्थिनि गेजेरजों सामलायजादों। बेनि जाहोनाव सरकारआ सरसनस्त्रा सुबुंफोरनि फारसे सिबिथायनि थाखौआबो बांदों होन्ना बिथाङ बुंदों। गावनि बिबुंधियाव गिबि मन्श्रिआ थानाय 3 खावसे बोसोर मावफुं समाव आधिखालनि राइज्यो सरकारआ मोजां खुंथाइनि माखासे खुन्थियाखौ गायसन्नो हादों होन्नानैबो बुडे। बेे आयदायाव गोग्गो थिसन्थाय हाबाफारिनि बाश्राखौ मख'नानै बिथाङ बुंदोंदि, राइज्यो सरकारआ जागायजेन्ना गोग्गो थिसन्थाय हाबाफारियाव मोजां खुंथायनि बयनिखुइबो गेदेत गोहोमथिखौ नुनो मोन्दं। गिबि मन्श्रि ७ शर्मांआ मख'दोंदि, राइज्यो सरकारआ 1 लाख थिसन्थायनि बाश्रा होनायखौ सुफुंनानै 1 खावसे लाख थिसन्थायनि फारसे सिगांदों, नाथाय बेबायदि गेदेत थिसन्थायनि उनावबो दिनेिसिम रावबो थिसन्थाय हाबाफारियाव गोरोन्थिनि अजद देखाङ जासे बिजिसालियाय फैक्येखौ। गिबि मन्श्रि महरै बेनि थाखाय गोगगानाय मोन्दोंथियो होन्नानै ७ शर्मांआ बुंदोंदि, राइज्यो सरकारआ आसामाव जागायजेन्नाय गोग्गो थिसन्थायनि बेे दाथाया हादतनि माखासे राइज्योआ उनसंनायखौबो जागायदेन्दों दिनेे थिसन्थाय बिलाइ मोन्नायफोरखौ थांखिनानै गिबि मन्श्रिआ बुंदोंदि, आबुडे गेबेंथिजों थिसनजानायफोर साखि मावनाय समाव गावसोरनि सिबिथायनि बिथिङवबो गेबेंथिखौ थि लाखिनांगोन। मानोना गोग्गो थिसन्थाया जेब्बा मोनसे गोग्गो मोजां खुंथाइ रहाखौ सोरंजिनो हायाब्बा थिसन्थाय हाबाफारिनि फारसे सरसनस्त्रा सुबुंफोरनि सान्नाय मिजंथिनाया बाङइ जायो बेे बिथिङवनो गिबि मन्श्रिआ दिनेे थिसनजानाय बिजाथिफोरखौ सरसनस्त्रा सुबुंफोरनि सिबिथायनि फारसे बाउसोमनो खालायनानै मोजां खुंथायनि गुबुन मोनसे खुन्थियाखौ गायसन्नो थाखाय समाइखिरा लानो खाललायो। बिथाङ लोगोसे बुंदोंदि, गेबेंथिजों लोगोसेनो रोंगोंथि गोनां खुंथाय रहायाबो समानै गोनांथार। मानोना गेबेंथि आरो रोंगोंथिनि गलाय मोनदर सोमार्जियोब्बासो सरसनस्त्रा सुबुंफोरनो मोजां खुंथाय होनो हायो। गिबि मन्श्रिआ बुंदोंदि, गाहाइ मन्श्रि नरेन्द्र मदिआ 2047 माइथायाव भारतर्षखौ जौगाखांनाय हादत महरै सोरंजिनो थांखि लादों। गाहाइ मन्श्रि मदिआ 2027 माइथायाव भारतबर्षखौ मुलुगनि थामथि रंखान्थियारि गोख्रोंथार महरै सोरंजिनायनि बिथिङवबो खामानियाव नांथावनानै दङ। दरसे जौगाखांनाय भातनि सिमांखौ सुफुंनायनि थांखाय गावखौनो बाउसोमनो दिनेे थिसनजानायफोरखौ खालवायनानै ७ शर्मांआ बुंदोंदि, गोग्गो थिसन्थाय आरो गेबें एबा गोख्रै खुंथायनि थाखाय बिसोर गावखौनो थिसन्नांगोन। गुबुन फारसे मुंद्रांछा आचरं जयन्त तालुकदारखौ आसाम पुलिसनि लेङइ पुलिस मासियाव थिसन्नायनि सोमोन्दै गिबि मन्श्रिआ बुंदोंदि, 2004 माइथायनि एसियान ग्रेन्ड पिक्स्जों लोगोसे 2006 आरो 2009 माइथायनि आचरार्ी मुलुग काप बादायलायनायाव सनानि मेडेल, 2005 माइथायनि मुलुग सेम्पिनयनसिपआव दोलोआरि दालायाव रुपा आरो 2010 माइथायनि कमनवेल्थ गेम्सआव ब्रन्जनि मेडेल देरहानायनि अनगायैबो 2012 माइथायनि लन्डन अलिम्पिकआव हादतनि जानानै बादायलायनाय गेलेगिरिनो आसाम पुलिसनि लेङइ पुलिस बिबानगिरि मासियाव थिसन्नो मोन्नानै आसाम सरकारआ गोजोन्नाय मोन्दं। गिबि मन्श्रिआ मख'दोंदि, आधिखालनि राइज्यो सरकारआ मावबिबान आजावनायनि उनिफ्राय राइज्योखौ जौगाखां होनायफोरनो बिसेोरनिसिम मान होनायनि थाखाय मुंद्रांछा एबा बिबुं होनो जागायजेन्दों। बेे नाजानायखौ लाखिलांबा थानानै आसाम सरकारनि जुथाय गेलेमु खान्थिनि सिङाव मिरु सरकारनि अर्जुन बान्थाजों मान होजानाय आचरंनो दिनेे थिसन्थाय बिलाइ गथायनाय जादों। दिनेिन हाबाफारियाव आसाम सरकारनि रन्जित कुमार दास, अतुल बरा, केशब महन्त, जगेन महन, अजन्ता नेवग, जयन्त मल्ल बरुवा, नन्दिता गार्लस, प्रशान्त फुकन, कृष्णेन्दु पाल, कौशिक राय, रुपेश गवाला, एमपि भुबनेश्वर कलिता, बिजुलि कलीता मेधी, एमएलए पनाकन बरुवा, धर्मेश्वर कबरमोनजों लोगोसेनो आसाम सुबुं सिबिथाय आयगनि मासिगिरि देवराज उपाध्याय, गाहाइ नेहाथारि ७ रबि कता, आसाम पुलिसनि बिथोनगिरि गाहाइ हर्मित सिंजों लोगोसे माखासे गोजो थाखौनि बिबानगिरिफोर बाहागो लाफेदों।□

## इउपिपिएल आरो एबसुनि दैदेनगिरि आरो मावथिफोरा बिपिएफआव हाबफैदों होन्नाया नंखाय: सत्यजित बर'

हेंथायै गोख्रों राव बुंफेनायखौ लानानै इउपिपिएल दोलोनि सालबारि जिल्ला कमिटिआ दिनेे मोनसे खौरंगिरि मेल लेंथुमो। बेे मेलनि गेजेरजों सा 49 एबसु आरो इउपिपिएलनि दैदेनगिरि आरो मावथिफोर बिपिएफआव हाबफेनायखौ लानानै बायदि बाश्रा फोसावदिनायनि हेंथायै खुद्रिखॉनाय दिन्थिदों। मख'नो गोनांदि, सालबारिनि अडिटिन्याम हलआव दिनेे खुंनाय मोनसे खौरंगिरि मेलाव सालबारि जिल्ला कमिटिनि गाहाइ नेहाथारि बिनद मुसाहारिआ बुडेंदि, थानाय 14 फेब्रुवारियाव सालबारियाव इउपिपिएल दोलोखौ नागरानानै बिपिएफ दोलोआव हाबफेनाय सालबारि ब्लक इउपिपिएलनि लेङइ आफादगिरि दिलिप स्वर्गियारिआ 11 दान सिगां बिपिएफ दोलोखौ नागरानानै इउपिपिएल दोलोआव हाबफेदोंमोन। नाथाय थानाय 14 फेब्रुवारियाव दिलिप स्वर्गियारिआ सालबारियाव बिपिएफनि आफादगिरि हाग्रामा महिलारोनि नुजाथिनायाव फिन बिपिएफआ हाबफैनानै बिपिएफ दोलो आरु इउपिपिएल दोलोनि गेजेराव हा–अख्रानि फारागथि दङ होन्नानै बुंनायजों लोगोसे इउपिपिएल दोलोनि हेंथायै गोबां बरेखा ब्राश्रा बुंनायखौ लानानै दुंहाव थासारि सोमार्जियो। बेराफारसेथिं, इउपिपिएल आरो बिपिएफनि गेजेराव हा–अख्रां फारागथि दङ बिपिएफ नागरानानै दिलिप स्वर्गियारि आरो प्रबिन नायकआ इउपिपिएलआव हाबफेनानै इउपिपिएल सरकारजों लोगो नांनानै बायदि रोखोमनि जाख्ल'नाय खामानिफोरखौ खालामनो नागिरदोंब्बाबो खाबु मोनैलाय बिसोर सानै दैदेनगिरिया बिपिएफआव थांफिन्दों होन्नानै गोख्रों अजद दैखाङे। बिसोर बायदि निथि आदर्श गैथै दैदेनगिरिफोरा इउपिपिएल दोलोखौ नागरानायाव मोनबो खहा जाया होन्नानै गोख्रों रावजों बुडे। खौरंगिरि मेलाव बिनद मोसाहारिया अजद दैखानानै बुडोदि, दिलिप स्वर्गियारि आरो प्रबिन नायकजों लोगोसा सा 49 एबसु आरो इउपिपिएलनि दैदेनगिरि आरो मावथिफोरा बिपिएफआव हाबफेदों होन्नानै फोसावदोंब्बाबो सालबारि महकुमानि सिङावनि रावबो एबसु आरो इउपिपिएलनि दैदेनगिरि आरो मावथिफोरा बिपिएफआव हाबफेयाखै होन्ना मख'यो। एबसु आरो इउपिपिएलनि दैदेनगिरिफोरा बिपिएफआव हाबदों होन्नानै नंखायै फोसावदों होन्नानै खौरंगिरि मेलाव फोरमायथियो। गुबुन फारसेथिं बिपिएफनि निथि आदर्श गैथै थांखि लानायफोरखौ गोरोबनाय मोनैनि थाखाय गोबां बिपिएफनि दैदेनगिरि आरो मावथिफोरा इउपिपिएल दोलोआव हाबफेनो नागिरगासिनो दङ होन्नानै सालबारि जिल्ला कमिटिनि सत्यजित बर'आ खौरंगिरिफोरनि सिगाडाव फोरमायथिदों।□

## आसाम केबिनेटनि थांखि

दफाखौ लानानै आसामनि गिबि मन्श्रि ७ हिमन्त बिश्व शर्माजों आसुनि दैदेनगिरिफोरा सावरायलायदों। बेे जथुमाव आसुनि गाहाइ बोसोनगिरि ७ समुजल भक्तचार्य, आफादगिरि उत्तपल शर्मां आरो गाहाइ नेहाथारि समिरन पुकनमोनहा बाहागो लाफेदों। मख'नो गोनांदि, बिप्लब शर्मां आयगनि खेंफोरथियाव थिसनजानाय मोन 38 आयदाखौ लानानै दिनेेनि जथुमाव सावरायलायनाय जादों। लोगोसेनो सुलुं बायदियै आसाम सरकार आरो आसुजों फेगौ 10 मार्चनि गेजेराव फिन सावरायलायनाय जागोन होन्नानै फोरमायदों। दिनेे रबिबारखालि बेे जथुमाव थांगिबि नोगोरारिफोरनि हानि मोन्थायखौ रेंखाथि होनो थाखाय जर'खा थांखि आजावनाय जादों। आधिखालनिफ्राय जनजाति बेल्ट ब्लक बादिनो रेंभिनउ सार्केल दानाय जासिगोन। आरोबाव रेंभिनउ सार्केलनि सिङव थानाय हा–हुनि मोन्थाइया थांगिबि असमीयानि आखायावल' थासिगोन। गिबि मन्श्रिआ बुंदोंदि, आसु आरो सरकारआ सावरायलायनानै माखासे ब्लकखौ जोडो सिनायथिगोन, जायफोर ब्लकआव मोन्थाम जोलैल' एबा 1951 माइथायनि सिगां आसामसिम फैनाय सुबुंफोरल' हाखौ बायनो आरो हागोन। नाथाय बेे बिथिङव जनजाति, अनुसुसित जाति आरो मोन 6 हरियारिनिफ्राय फोरमान बिलाइ नागिरनायनिफ्राय जोडे जासगराव थागोन। नाथाय बेे थांखिया गाहाइ नोगोरफोराव बाहायजानाय नङ। फारसेथिं सावरायलायनाय बायदियै ब्रह्मपुत्र सेफानि गंग्रोमबो इंगर्जी बिजोंनि फरायसालियावनो असमीया आयदाखौ सोलेंथारसंगो एबा लाथारसंगो महरै खालामनायखौ थांखि लानाय जादों। बिटिएङिआव बर' आरो असमीयाआ गोनांथार महरै बाहायजागोन, नाथाय बराक सेरफानि बिथिङव आधिखालाव बेे बाश्राया बाहायजाया। गुबुन फारसे आसाम सरकारनि बान्जायनायाव असमीया सुबुंफोरनि जारिमिन सोरंजिनाय थांखि आजावनाय जायो दिनेेनि जथुमाव। 2026 नि 1 एप्रिलनिफ्राय थाखे 8 सिम आसाम जारिमिनखौ गोनांथार खालामनाय जादों। बेेबादिनो आसाम सरसरनि फोसावथायखौ फेगौ बैसाग दाननिफ्राय इंगर्जीजों लोगोसे असमीयाबो फोसावजागोन। 14 एप्रिलनिफ्राय बेे थांखिया जागायजागोन। राइज्योआव बिथोनगिरि मावख'खौ मोनसे उदां बिथोनगिरि मावख' महरै सोसरंजिनाय जागोन होन्नानैबो जथुमाव थांखि आजावदों। हा–हुनि सोमोन्दै खामानिफेरनि थाखाय 2000 रेजा मासि उदां खालामनाय जागोन होन्ना गिबि मन्श्रिआ फोरमायना होदों। श्रीमन्त शंकरदेब कलाकेत्रनि थाखाय 10 कौटि रंनि धोन गथायनायनिबो थांखि आजावनाय जादों। ज्यति चित्रबननि मावसुमाफोरखौ सरकारनि सिङव लाबोनायनिबो थांखि आ जावदों गिबि मन्श्रिआ।□

### टंला गथ'फोरनि पार्कनि सायाव टंला गागि नोगोरारि गौथुम आरो गथ'फोरनि पार्क सामलाय आफादनि खौरां मेल

पार्क सामलाय आफादआ टंला साहित्य सभानि मावख'आव मोनसे खौरां मेल बानजायो। टंला गागि नोगोरारि गौथुमनि आफादगिरि रबिन्द्र कुमार शर्मा, गाहाइ नेहाथारि बिनद महन्त आरो टंला गथ'फोरनि पार्क सामलाय आफादनि आफादगिरि गथेश्वर बरुवा, गाहाइ नेहाथारि नारायण देकामोनहा खौरां मेलनि गेजेरजों फोरमायनाय बायदिब्बा, फेबाय थानाय उन्दै–उन्दै लाइमोन गथ'फोरा दानदिसे सम गेलेनाय जंखाय लायनाय मोनसे गोजोन आबहावा सोर्जिनाय थांखिजॉसो उदालगुरि जिल्लानि टंला 4नं खण्ड बिट अफिसनि साखाथियाव थानाय समाजारि अरनबारि गोलैसोनाय हायावसो आसाम दावबायारि बिफाननि रांबावजानि रंजोंसो गथ'सा पार्क लुफुंनायनि खामानिया थाद'नाय गैयाजासे गोख्रेंथियै आगान सुरगासिनो दं। गुबुन फारसे गागि नोगोरारिफेरनि जिरायसालिनि थाखायबो मोनसे थावनियावनो राइज्यो सभानि एम पि फाण्डनि गेजेरजों जिरायरा थावनि लुफुंनायनि खामानिबो सोलिगासिनो। पार्कआव गथ'फोरनि मोजां मोन्नाय गेलेग्रा बायदि आगजुफोर लाबोखांनायनि उनाव पार्कआव सरसनस्त्रा राइजो–राजा लोगोसे उन्दै–उन्दै गथफोरनि होंगो दोंगो जानाया बांनो हमो। बेे बिथिङव पार्कनि सोरगिदिं गिख्रंथाव महर लानाया माखासे देमग्लायना थानाय कदम दंफांफोरखौ गथ'सा पार्क सामलाय आफाद आरो टंला गागि नोगोरारि गौथुमनि गेजेराव सावरायज्लायनाय बायदियै उन्दै–उन्दै गथफोरनि आरो सरसनस्त्रा राइजो–राजाफोरनि जिउनि रेंखाथिनि सार्थआव आरो सरकारि धोननि गेजेरजों लुजानाय पाक्कानि बेरा एबा सोरगिदिं सिमा आरो टिकेट न' बायदि सरकारनि सम्पदखौ रेंखाथि होनायनि थांखिजॉ माखासे कोदोम दंफांफोरखौ दानफायनायनि थांखि लानाय जायो। नाथाइ दुखुनांथावदि, थानाय 19 जानुवारि 2025 खालारखालि हरराव बिफांफोरा बायदि गिख्रंथाव महरै बायग्लेमनो हमो। नाथाय बै सानखालि हाग्रा बिफाननि बिट अफिसारआ मावखुलियाव गैयिनि जाहोनाव बै सानखालिनो कोदोम बिफांफोरखौ दानफायना दंफानि थुखाफोरखौ पार्कनि सोरगिदिं सिमा एबा बेरा खाथिनि हाखराव दोन्नाय जायो। बेेनि उनाव हाग्रा बिफाननि मावसुमाफोरा फेनानै दंफानि थुखाफोरखौ लानानै थाडे। गिख्रंथावयै बायग्रेबनो हमनाय दंफांफोरखौ दाननायाव बिफानारियै जेबो दाय दोफोन एबा हेंथा दा जाथों लोगोसे गुबुन हेंथायै जेबो बेले बेजेे बाश्रा साननो नांङ होनना राइजो राजाफोरनि सार्थआव कोदोम दंफांफोरखौ दान्नाय जादों होन्ना खौरां मेलआव फोरमायो।□

### बड'लेण्डनि मुंद्रांछा लावखार ओंखाम जाग्रा थिलि बगामातियाव बड'लेण्ड जारनालिस्त एस'सियेसननि मावफुं मेल

एबा बड'लेण्ड जारनालिस्त एस'सियेसननि मोनसे मावफुं मेल जानानै थाडे। बड'लेण्ड जारनालिस्त एस'सियेसननि आफादगिरि आबु बक्कर सिद्दिकनि आफाद सामलायनायाव खुंजानाय मावफुं मेलनि थांखिखौ बेेखेवनानै होयो बड'लेण्ड जारनालिस्त एस'सियेसननि गाहाइ नेहाथारि रमेन दासआ। लावखार ओंखाम जानाय आरो दावबायनायाव मिथिंगानि महरजों समायफ्लेनाय बगामाथिनि बिखायाव बिटिआरनि गुबुन गुबुन ओन्सोलनिफ्राय थामजिसो मावफुं सोद्रोमानि नुजाथिनाय बेे मावफुं मेलआव गौथुमारि बिथिङव गोबां गोनां–गोनां खोथा सावरायनाय जायो आरो गोनां आयदाफोरनि सायाव माखासे बिथांखि लानाय जायो। दिनेेनि बेे मावफुं मेलआवनो बड'लेण्ड खौरंगिरि गौथुमनि 7थि नै बोसोरारि बोसोरारि जथुमाखौ फेगौ एप्रिल दाननि 5 आरो 6 इं खालाराव साननेनि गाजा–गोमजा हाबाफारिजों राइमना माहारियारि हाग्रामायाव खुंफुंनो बिथांखि लानाय जायो। बेे मावफुं मेलआवनो खुंजानो गोनां बोसोरारि जथुमाजों लोब्बा लाखिनानै खुगा लाइसि सुजु सेबखाना दिहहनो थाखाय रज'नि बर्मनखौ गाहाइ सुजुगिरि आरो प्रफुल्ल कुमार बर'खौ सुजुगिरि महरै बिबान होनानै सुजु आफादबो दाना लानाय जायो।□

## दिदोमथि आरो गोख्रों थांखि लानाया फरायसा जिउखौ जाफुंसार होयो: राइज्यो बेंगिरि

बुंबावोदि, भारतआरिनि राव–हारिसुआव बर'फोरनि बिहोमाखौ वुंस' हाया। बर'नि सोद्रोम गोनां आरखुआ गोदो–गोदायनि आरो अबंलावरिजों लोब्बा थानाय होन्नानै मख'नाने बिथाङ बुंबावोदि, गुरुदेव कालिचरण ब्रह्म, बड'फा उपेन्द्र नाथ ब्रह्म, प्रमद चन्द्र ब्रह्म, निलेश्वर ब्रह्ममोननि बिहोमा होनाया मख'जाथाव। बिथाङ दिनेेनि 3थि बड'लेन्ड मुलुग सोलोंसालिनि कन्भकेसननि गेजेरजों डिग्री लानो हनाय गासैबो फरायसाफोरखौ साबायखर बाउयो। लोगोसेनो बिथाङ बुडोदि, बड'लेन्ड मुलुग सोलोंसालिआ गायसनजानेन्नायनिफ्रायनो फरायसाफोर सोलोंथाइनि थाखाय मोनसे समानि खाबु मोन्नायजों लोगोसे सुबुं सम्पद दानायाव थोजासे बिफाव लादों होन्नानै बुंधिबावो।

मख'नो गोनांदि, दिनेे 2021–22, 2022–23 आरो 2023–24 माइथायाव एमए आरो पिएइसडि डिग्री लानाय एबा एमपिल डिग्री लानाय गासैबो फरायसाफोरनो डिग्री होनायनि थाखाय बड'लेन्ड मुलुग सोलोंसालिया जोहोलाव निलेश्वर ब्रह्म अडिट'रियामआव 3थि कन्भकेसनखौ खुंनाय जादों। गुबुन फार्सेथिं मुलुग सोलोंसालिनि भाइस चेन्सेलर प्रफेसार बिएल आहुजाया गावनि बिबुंधियाव बुडोदि, आधिखालाव बड'लेन्ड मुलुग सोलोंसालियाव सा 90 बिबुंगोरो आरो मोन 17था एकाडेमिक बिफानफोराव सोलोंथाइ होनानै मोनसे गोबां मोखॉनि सोलेंथाइ होनो हानायनि सोलेंथाइ फसंथान जानो हाबाय। जाय फरायसाफोरा जौगाखांनायनि सान्थौखौ सान्नो हायो आरो गोदान–गोदान सानखांनाय आरो सोरंजिखानो हनाय सोलेंथाइ लानो हादों बेे लामाखौ दिनेे बड'लेन्ड मुलुग सोलोंसालिया लाबोना होफेदों होन्नानै बुडे। बिथाङ बुंबावोदि, बड'लेन्ड मुलुग सोलोंसालिआ रिचार्ज आयदायाव 11 गुन बांदों। जायनि जाहोनाव 2021–22 बोसोराव 1.53 कौटि रंनिफ्राय 2024–25 बोसोराव 16.62 कौटि रं बादों। लोगोसे पिएमइउएसएइएस स्कीमनि जोहै 20 कौटि रं गनायथि होनायाव मुलुग सोलोंसालिनि जौगाखांनायाव थोजासे बिहोमा होदों। मुलुग सोलोंसालिआ जिब बिगियान बिफानआव 12.4 कौटि रं रिचार्ज प्रजेक्टनि थाखाय मोन्नो हादों। बेेनि गेजेरावनो बिल आरो मेलिन्दा गेट्स फाउन्डेसननिफ्राय 7.6 कौटि रं मोन्नो हाबावदों। मुलुग सोलोंसालिआ दा पेकार्लिट अफ साइन्स एन्ड टेकन'लजिनि बिबुं गोरा सन्जय बसुमतारि आरो ७ हेमेन शर्मा मोनहा 2024 माइथायाव स्टेन्डफर्ड मुलुग सोलोंसालिनिफ्राय मुलुगआवनो बयनिखुइबो साबसिनै 2 जौखोन्दो बिगियाननि महरै गनायथि मोन्दं होन्नानै सेन्सेलर आहुजाया मिबथि होबावदों। प्रफेसार आहुजाया बुंबावदोंदि, टेकन'लजि इनकाम्भेसन मिरुनि हेफाजाबआव, बाय'टेकनलजि बिफान, भारत सरकार, आसाम सरकार आरो बिटिआरजों लोगोसे नर्ट–इस्टन काउनसिलनि हेफाजाबआव 10,000 नि बो बांसिन मैखुन आबादारिफोरनो फोरंथाइ होनाय जादों। बेेनि अनगायैबो मुलुग सोलोंसालियाव थांखिजानाय मोन 30 था बिफानखौ गायसन्नायनि थांखिजों उदालगुरियाव मोनसे गोदान केम्पास गायसन्नाय जाबाय होन्नानै फोरमायथिदों। जायनि गेजेरजों बर' रावखौ जौगाखांनायनि फारसें मुलुग सोलोंसालिया जर'खा बिफाव लादों आरो बर' बिफाननि बिबुं गोरा ७ इन्दिरा बर'नि देदेन्नायाव 70 निबो बांसिन बर' रावनि बिजावफोरखौ सुजुनाय जादों। बावैसो सान सिगां मुलुग सोलोंसालियाव गासै मोन 19 मेमरेन्डम अफ आन्डारस्टेटेन्ड एमअइउआव मुंसाइनायजों गुबुन गुबुन फसंथानफोरजों लोगोसे गासैबो रोखोमनि हेफाजाबजों मुलुग सोलोंसालिखौ गोदान मुगानि सोलेंथाइ फसंथान महरै फसंनायाव जाफुंसारनो हादों होन्नानै भाइस चेन्सेलर आहुजाआ रोखायै फोरमायथिदों। मख'नो गोनांदि, दिनेे सा 76 फरायसाफोरनो पिएइसडि, सा 7 फरायसाफोरनो एमपि आरो सा 55 फरायसाफोरनो गल्ड मेडेल मोन्नायजों लोगोसे गासै सा 527 फरायसाफोरा डिग्री मोन्नो हादों। मख'नो गोनांदि, दिनेेनि बेे कन्भकेसनआव बिटिसिनि चिफ प्रमद बर'जों लोगोसे बड'लेन्ज मुलुग सोलोंसालिनि मावफारिया फरायसाफोरजों लोगोसे गोबां गुनि गियानि सुबुंफोरा बाहागो लादोंमोन।□

## बरबरि गुदि बर' थुनलाइ आफाद आरो बरबरि दख'रा एबसुनि सनाथि फोरबो खुंफुंनो बान्जाय आफादनि मावख' बेेखेवदों

मावफुं आफादगिरि देवराम स्वर्गियारीया खौरां बिजोंनि सिगाङव फोरमायनाय बायदिब्बा, बेे सनाथि माइथाय फोरबोखौ खुंफुंनो थाखाय गुबुन गुबुन मोन 19 बिफाननि दालाइ आफादफोर दाफुंना लानाय जाखाबाय आरो दालाइ आफादफोरनो बिबानखौबो गथायखानाय जाबाय। लोगोसे बिथाङ बेे सनाथि माइथाय फोर्बौखौ खुंफुंनो थाखाय नैजिब लाख रॉनि मोनसे बाजेठ थि खालामनाय जादों होन्नानै फोरमायो। बेे बेेखेवनाय हाबाफारियाव सि एब बि नि मासिगिरि ७ दिपक कुमार बसुमतारि, बरबरि गुदि बर' थुनलाइ आफादनि आफादगिरि नेहाथारिजों लोगोसे सोद्रोमाफोरा आरो बरबरि दशरा एबसुनि आफादगिरि नेहाथारिजों लोगोसे बरबरि ओन्सोलनि समाज सिबियारी मेलेम जिबि सानसुमै बिथांमोनखौ बाहागो लानायखौ नुनो मोनो।□

## धुबुरी जिल्लायाव मोनसे बियाब दानायनि जों सिन्था खालामगासिनो: मिहिनिस्वर बसुमतारि

केवालिस्लि ब्रह्मनि दैदेन्नायाव मेलनि थांखिखौ बेेखेवनानै होयो धुबुरी जिल्ला खौसेथि बर' सुबुं आफादनि गाहाइ नेहाथारि पंकिराज ब्रह्म बिथाङ। गेवलां सावराय मेलआव खौसेथि बर' सुबुं आफादनि गाहाइ नेहाथारि पितामबर ब्रह्म बिथाङ बिकेडब्लिउएसिआ दा माबादि थासारियाव दं आरो दैदेनगिरि बिथांमोना माबादि खामानि मावगासिनो बेफोरनि सायाव गुवारै बिबुंधि लाखियो बाहागो लानाय रायजो–राजाफोराबो बिबुंधि नि गेजेरजों बुडेंदि बिकेडब्लिउएसिनि जोबथा सिमा जेराव बांलादेशजों नांजाबनाय बर' गामिफोरा दासिमबो बर' बिजोंनि फरायसालि गैयाब्बाबो रायलायनाय, गान्नाय जोमनायखौ बावगाराखै आरो हारिसु सिबिनोबो बावाखै बिनिखायनो जॉबो खौसेयै अरायबो दं होन्नानै बेसेन गोनां बिबुंधि लाखियो। मेलआव गाहाइ आलासि महरै खौसेथि बर' सुबुं आफादनि गायसनगिबि आफादगिरि आरो दानि बिकेडब्लिउएसिनि गाहाइ मावफुं सोद्रोमा मिहिनिस्वर बसुमतारि बिथाङ बुडोदि, बडका उपेन्द्र नाथ ब्रह्म बिथांनि दैदेन्नायाव बर'फोरनि जौमानायनि थांखिजों सोमावसवोनो गोनां जादोंमोन। बेेबादिनो सोलेंथाइ, राव, थुनलाइ, रांखान्धि सामाजारि खौसेथियै बि टि आर बायजोआव थानाय सरकारि नडै फरायसालिफोरखौ सरकारि बानायनाय। साखि थिसननांगौनि सायाव, हा हुनि रेंखाथि होनांगौनि थाखाय सरकारखौ नारसिननाय गोबां मेहेर गोनां बिबुंधि लाखियो। मेलावनो बिकेडब्लिउएसिनि इएम महिपाल बर', खौसेथि बर' सुबुं आफादनि बोसोनगिरि सानजारां लखेश्वर ब्रह्म निलेश्वर ब्रह्म बान्था मोनगिरि बिरेन्द्र कुमार ब्रह्म, इउबिपिअनि गाहाइ नेहाथारि पितामबर ब्रह्म, इउबिपिअनि लोगो आफादगिरि बादल मुसाहारि, ललित चन्द्र ब्रह्म, जिएनएसएमनि गाहाइ नेहाथारि प्रतिदिन खौरां बिलाइनि खौरांगिरि तुलन सनुवाल, गुवाहाटी कामरुप मेट्र खौसेथि बर' सुबुं आफाद जिल्लानि आफादगिरि प्रदिप बसुमतारि, धेमाजि जिल्ला बाङलि फरायसा आफादनि आफादगिरि धरमेन्द्र दास, मेलावनो धुबुरियाव बिकेडब्लिउएसिनि मोनसे हारसिं समस्ति दानाय आरो थाबैनो बिसायखथि खुंनाय थांखि लायो।□

## आइन बरेखा खामानिफोरनि सायाव गोख्रों नोजोर दिमाकुचि दख'रा एबसुनि

नोजोर होना खामानि मावबोबाय थानाया दिनेेनि सानाव गोदान बाश्रा नॅलिया। साननैसो आगोलाव ओन्सोलाव सोलिबोनाय जौ, जुवा फेग्रा मुवा सोबनाय जानाय लोंनाय बायदि आइन बरेखा खामानिनि सायाबबो गोथौ नोजोर होना खामानि मावबोदों। दिनेैबो फिन भारत–भुटान सिमाजों नांजाबना थानाय ननाइ रेन्जनि आवथायाव गोग्लैनाय माखासे हाग्रायाव दुथां आखुनि दंफां दानफायग्रा सुबुंफोरा सानफा एफा हाग्रानि बिफां लाइफांफोरखौ रांखान्थियारि मुलामफानि थाखाय सिखावयै दान्ना फानहरनाय जाथाय एबा बाश्रानि सायाव बिथा खालामना दख'रा आफादनि लोगो आफादगिरि सन्जय बसुमतारिनि दैदेन्नाय थान्दै मोनसे मावसोम हान्जाया हाग्रासिम थानानै नायगिदि हैनाय जायो। दंफां दान्नायजों लोगोसे हाग्रायाव थानाय जिब जुनारफोरखौ मैहुर खालामना फोजोबखॉनाय बायदि खौरां एबा जाथायफोरा सोराङव फेदोंमोनब्बाबो बेेखौ होबथानो थाखाय हाग्रा बिफाननिसिम खनले–खनले खालायनाय जादोंमोन। नाथाय बि टि आर आरो राइजोनि हाग्रा बिफानारिफोरा बेेनि सायाव होबथानायनि थाखाय जेबो हाबाफारि लानायखौ नुनो मोन्नाय जायासे। बेराफारसे बिफानाव रौनिया हान्जाया खम बिबानि जाउनाव होबथानाय एफ हाग्राखौ सरेंखाथि होनायाव गोहेलु आरखु दिन्थिनाय नुनो मोन्नाय जादों। थाखानाय बड'लेण्डनि सम्पद जिब

# गाहाम देहानि राहा

कफिन सोलायै केफीन गैयै लोंगाफोरजों नोंथाड गावनि सानखौ जागायजेनाया देहानि थाखाय मुलाम्फा गोनां

गोबां सुबुंफोरा गावसोरनि सानखौ कफिजों जागायनो मोजां मोनो। कफिआव केफीन थायो, जायनि जाहोनाव फुडव बेखौ लोंनायजों थाजिम आरो गोहो गोनां मोनो। नाथाय नोंथाड मिथियो ना केफीन माखासे खहाफोरबो दड। बेनिखायनो नोंथांनि अनगायै गुबुन केफीन गैयै ड्रिंक लोंनो हागोन। बेबादि माखासे केफीन फ्रि ड्रिंकखौ फाइबार आरो भिटांमिन सि थायो, जाय सावस्त्रिनि थाखाय जोबोद मुलाम्फा गोनां। एल'बेर जुसः एल'बेर जुसनि हेफाजाबजों डाइजेशनखौ साबसिन खालामनायाव गोबां हेफाजाब जायो। भिटांमिन सिआ इम्युन सिस्टेमखौ गोखों खालामनायाव मदत खालामो। बेनि जाहोनाव गोबां सावस्त्रिजों सोमोन्दो गोनां मुलाम्फाफोर मोन्नो हायो। बेनिखायनो नोंथांनि फुंनि लोंनाय महरै एल'बेरानि रोसि लोंनाया जोबोद मुलाम्फा गोनां जानो हागौ। (2) आमला जुसः आमलायाव भिटांमिन सि मोन्नाय जायो, जाय होबथानो



हानाय गाहोखौ गोखों खालामनायाव गोहोम गोनां। बेयो मेगननि थाखायबो जोबोद मुलाम्फा जानो हागौ। बेखौ फुडव लोडेब्ला मेगन आरो बिगुरनि थाखायबो गोबां मुलाम्फा गोनां जानो हागौ। बेनिखायनो कफिन सोलायै आमलानि जुश लोंनाया जोबोद मुलाम्फा गोनां जानो हागौ। (3) गुदुं दे आरो बेरै मोदैः फुडव गुदुं देजों बेरै मोदैजों जागायजेनाया जोबोद मुलाम्फा गोनां जानो हागौ। बेखौ लोंनाया लिरथाइ बाडाइ खालामनायाव गोबां हेफाजाब होनो हागौ। (5) चिया वाटरः चिया बेगरफोरव एन्टी-अक्सीडेन्टफोर थायो, जाय सावस्त्रिनि थाखाय जोबोद मुलाम्फा गोनां। बेयाव थानाय फाइबारआ ब्लाड सुगारखौ सामलायनायाव मदत खालामो आरो डाइजेसनखौबो साबसिन खालामो। बेनि अनगायैबो बेखौ देजों लोडेब्ला हाइड्रेसनबो जायो। चिया बेगरफोरबो लिरथाइखौ बाडाइ खालामनायावबो गोबां हेफजाब होयो। □

थाखाय लेबुनि बिदै लोंनाया जोबोद मुलाम्फा गोनां जानो हागौ। बेयो बिगुरखौ हाइड्रेट खालामो। बेयाव थानाय भिटांमिन सिआ इम्युन सिस्टेमनि थाखाय मुलाम्फा गोनां। बेखौ लोंनायजों लिरथाइखौ बाडाइ खालामनायावबो गोबां हेफाजाब होनो हागौ। (5) चिया वाटरः चिया बेगरफोरव एन्टी-अक्सीडेन्टफोर थायो, जाय सावस्त्रिनि थाखाय जोबोद मुलाम्फा गोनां। बेयाव थानाय फाइबारआ ब्लाड सुगारखौ सामलायनायाव मदत खालामो आरो डाइजेसनखौबो साबसिन खालामो। बेनि अनगायैबो बेखौ देजों लोडेब्ला हाइड्रेसनबो जायो। चिया बेगरफोरबो लिरथाइखौ बाडाइ खालामनायावबो गोबां हेफजाब होयो। □

# 'जिद्दी गाल्स' सिरिजखौ अटिटि प्लेटफर्म प्राइम भिडिअयाव रिलिज खालामनाय जागोन

फेब्रुवारी दाननि जोबथा सानआबो अटिटि लाभासफोरनि थाखाय जर'खा जानो हागौ। सावथुनफोरजों लो गोसे माखासे मोजां सिरिजफोराबो नुजाथिगोन। बेफोरनि गेजेराव मोनसे जिद्दी गाल्सआबो दं, सा 5 जेन जेड कलेजनि हिन्जावसाफोरनि सल'खौ दिन्थिनाय जादों। बे वेब सिरिजनि रिलिज अक्टनिफ्राय मेकासफोरा पर्दा दिखोबाय। अदेबानि मेकासफोरा बेनि स्ट्रिभिं अक्टखौ फोसावबाय आरो बेयो बे दानआवनो रिलिज जागोन। 'जिद्दी गाल्स' खौ अटिटि प्लेटफर्म प्राइम भिडिअयाव रिलिज खालामनाय जागोन। बेनि अफिसियल इनस्टाग्राम



पेजआव पस्टरखौ फोसावनायजों लो गोसे रिलिज अक्टखौबो फोसावबाय। आमैजन प्राइमनि फारसेनिफ्राय शेयार खालामनाय पस्टरजों लो गोसे लिरनाय जायोदि, 'मटिल्डा हाउसआव

नोंथांमोनखौ बरायबाय। सिरिजनि प्रिमियारनि सोमोन्दे मिबथि होनाय जायोदि, बेखौ 27 फेब्रुवारी खालि आमैजन प्राइम भिडिअयाव रिलिज खालामनाय जागोन। बेयाव गासै मोन 8 एप्सद थागोन।

बेयो हिन्दी अरिजिनेल सिरिज, जाय भारतजों लो गोसे 240 निखुड बांसिन हादतफोरव आरो ओन्सोलफोरव मोन्नो हागोन। बेयो मोनसे कलेज ड्रामा सिरिज,

जाय अखा आखुनि हिन्जावसाफोरनि सल'खौ फोरमायो। बे सिरिजआव अरायसमनि लो गो आरो जिडनि जेंनाफोरखौ दिन्थियो। बे सिरिजनि जर'खा बाश्राया बेनोदि, बेयाव गोदान महरफोरजों लो गोसे माखासे गोजाम फावगिरिफोराबो दं। बेयाव अतिया तारा नायक, उमं भदाना, जेंना आलि, दिया दमिनि आरो अनुप्रिया कारलिआबो दंफायो। बेनि अनगायै सिरिजआव सिमरन, नन्दिता दास, मन्दिरा सिंह सन्धु, लिलेट दुबे आरो रेबति बायदि मुंदांखा फावगिरिफोराबो नुजाथिगोन। □

# 'सनम तेरी कसम' सावथुना बक्स अफिसआव मोजां रां आरजिगासिनो दं



थांनाय माखासे बोसोरव रि-रिलिज जानाय सावथुनफोरनि ट्रेन्डआ बांदों।

गोदानै सावथुनफोर रिलिज जानायनि जाहोनावबो बक्स अफिसआव गोजाम सावथुनफोरासो जाफुंसारनो हादों। थांनाय बोसोरव हरर थ्रिलर 'तुम्बाड' सावथुना दोहौ सोमजिहोदोंमोन आरो दा बेनि रिकर्डखौ सिमफायनो थाखाय 'सनम तेरी कसम' सावथुना नुजाथिदों। बे सावथुना 9 साननि गेजेराव मोजां कालेक्सन खालामदों। सनम तेरी कसमनि अरिजिनेल रिलिज अक्टआ 2016 मोन। हर्षवर्धन राणे आरो पाकिस्ताननि फावगिरि मावरा हकेनआ बे सावथुननिफ्राय बलिउडआव डेब्यु खालामदोंमोन। सावथुननि सल'आ पजिटिभ रिब्यु मोन्दोंमोन, नाथाय नख'रारि बक्स अफिसआव मोजां दे रं आरजिनो हायाखैमोन। 15 कौटि रंनि बाजेटआव बानाय जानाय सनम तेरी कसम सावथुना बै समाव 9 कौटि रंनि

बिजनेस खालामदोंमोन। बबेखानि, रि-रिलिजआव बे सावथुना गेमखौ सोलायहोदों। 'सनम तेरी कसम' सावथुनखौ फिन 7 फेब्रुवारीखालि सिनेमा हलफोरव रिलिज खालामनाय जादोंमोन आरो बेयो दोहौ सोमजिहोदों। थांनाय 9 साननिफ्राय बे सावथुना कौटि रं आरजिगासिनो दं। गिबि उडकेन्डआवनो बे सावथुना गावनि बाजेटखौ दिहुन्नो हादोंमोन आरो बेयो दा मुलाम्फा आरजिगासिनो दं। नैथि शुक्रबारखालि 2.5 कौटि रं आरजिनो हानाय सनम तेरी कसमआ नैथि शनिबारखालि खमैबो 3 कौटि रं आरजिगोन होन्ना आसा खालामनाय जादों। जुदि 9 साननि अन्जिमाया 3 कौटि रंनिखुड बांसिन जायो अब्ला बे सावथुना 2024 आव रि-रिलिज जानाय 'तुम्बाड' सावथुननि रिकर्डखौ सिफायगोन। 2015 आव नुजाथिनाय हरर थ्रिलरखौ 2024 आव फिन रिलिज खालामफिन्नाय जादोंमोन आरो बे सावथुना 32 कौटि रंनिखुड बांसिन बिजनेस खालामदोंमोन। 'सनम तेरी कसम' सावथुना दासिमाव 31 कौटि रं कालेक्सन खालामनो हागोनखौ आसा खालामदों। □

# 'छभा' सावथुना थियेटार्सनि उनाव अटिटिआव रिलिज जागोन



'छभा' सावथुनि रिलिजखौ अन्साइगिरिफोरा गोबाव समनिफ्रायनो नेनातै दंमोन। गोबां खेब रिलिज अक्ट सोलायनायनि उनाव गमामायैनो 14 फेब्रुवारीखालि 'छभा' सावथुना थियेटार्सआव गोखों एन्ट्रि लादों आरो बक्स अफिसआव सावथुननि कालेक्सनआबो रिकर्ड सिफायदों। फारफोमबो भिक्क कौशल आरो रश्मिका मन्दाना स्टारनि बे ड्रामा रिपियड सावथुनआ खोंरंआव थादों, जेराव बेनि अटिटि रिलिजनि खोंरंआबो बुंदों। आथिखालाव जायखि जाया फिल्म मेकासफोरा गावसिनि सावथुनखौ सिनेमा हलफोरव रिलिज जानायनि सिगां गावसिनि डिजिटेल राइटसखौ फानो। मेडक फिल्मसनि बेनाराव बानायजानाय 'छभा' सावथुननि बिथिंआवबो बिन्दिनो जादों आरो थियेटार्सनि उनाव रिलिज जानायनि सिगां दिहुनगिरिफोरा बेनि अटिटि रिलिजखौ पार्टनारसिपआव डिल खालामदोंमोन। बेखौ 'छभा सावथुननि प्रि केडिट सिन्सखौ नायनातै गोरलैयैनो हमनो हागोन। बेनि अनगायै अटिटि प्लेआबो बे बाश्रानि सायाव खोंरं होदोंदि, सिनेमा हलफोरव रिलिज जानायनि उनाव 'छभा' सावथुनखौ मुंदांखा अटिटि प्लेटफर्म नेटफिल्क्सआव अनलाइन स्ट्रिम खालामनाय जागोन। बबेखानि, आथिखालाव बेनि अटिटि रिलिज अक्टनि सोमोन्दे मिबथि होनाया हाखु-दाखु जागोन, मानोना बेनि रिलिज जानाया सान्नेल' जादों। जेब्लायबो नुनो मोनोदि, माखासे गिदिर सावथुनफोरा जुदि बक्स अफिसआव मोजां रं आरजिनो हमो अब्ला खमैबो 50-60 साननि उनाव अटिटिआव रिलिज खालामनाय जायो। बे हिसाबै 'छभा' सावथुनाबो बेसेबां सम नांनो हागौ। सावथुना अपेनि सानआव 33 कौटि रं आरो रिलिजनि नैथि सानाव 36 कौटि रंनि बिजनेस खालामदों। बबेखानि सान्नेलआव भिक्क कौशलनि सावथुननि नेट इनकामआ 70 कौटि रंनि खाथियाव सौहैबाय। □

# आशिकी 3 सावथुननि रिलिज अक्ट'खौ फोसावबाय



कार्तिक आर्याननि माच अवेटेड सावथुन 'आशिकी 3' नि गिबि नुथाइआ गमामायैनो सोरंआव फेबाय। मेकासफोरा सावथुननि रिलिज अक्टखौबो फोसावबाय। बे सावथुनाव कार्तिक आर्याननि दासिमनि बयनिखुड आलादा बिफाव होनायखौ नुनो मोन्दों। बिथांआ राहुल राय आरो आदित्य राय कापुरखौबो उन फारसे खालामदों। 'आशिकी 3' सावथुनखौ लानानै गोबाव समनिफ्रायनो सावरायबोबाय

थादोंमोन। अनुराग बासुआ बे सावथुनखौ डायरेक्ट खालामदों। बिथांआ माखासे सम सिगां मिबथि होदोंमोन, बिथांआ कार्तिक आर्यानजों लो गोसे सावथुन खालामगोन। अदेबानि बेयो 'आशिकी 3' नडा। बिथांआ मोनसे इन्टरभिडआव मिबथि होदोंमोनदि, बिथांआ मोनसे रमान्टिक-मिडजिकेल ड्रामा खालामनो नागिरदों, नाथाय बेनि टाइटेलआ 'आशिकी 3' जानाय नडा। नाथाय जेब्ला मैया सावथुननि

टिजारआ रिलिज जायो अब्ला सुबुंफोरा बेखौ 'आशिकी 3' सान्दों। कार्तिक आर्यानआ गावनि फैनो गोनां सावथुननि टिजारखौ इन्स्टाग्राम हेन्डेलआव रिलिज खालामदों। मिडियाआ कार्तिक आर्याननि गोसो बायनाय मोजां मोनग्रा लुकनिफ्राय जागायो। नायगिरिफोरजों बुंफबनाय कन्सर्टआव आखायाव गिटार लानानै कार्तिक आर्यानखौ मेथाइ रोजाबनाय नुनो मोन्दों। मोनसे सिनआव बिथांनि खुगायाव

सिगारेट दं आरो आखायाव गिटार। बिथांखौ मेथाइ रोजाबनाय गावनि मोजां मोन्नायखौ गोसो खानाय नुनो मोन्दों। बे रमान्टिक मिडजिकेल ड्रामायाव कार्तिक आर्यानखौ पुष्पा 2 नि फेम फावखुंफ्रि श्रीलिलाजों लो गोसे रमान्स खालामनाय नुनो मोन्दों। श्रीलिलाया साउथनि मुंदांखा फावगिरि। माखासे सेकेन्डनि बे भिडिअयाव कार्तिक आरो श्रीलिलानि गेजेराव मोनसे गोखों केमिस्ट्रिखौ नुनो मोन्दों। बबेखानि बे भिडिअजों लो गोसे सावथुननि टाइटेलखौ रिभिल खालामनाय जायाखै। कार्तिक आर्यान आरो श्रीलिलानि बे सावथुना बे सोलिफु बोसोरनि दिवालीयाव सिनेमा हलफोरव रिलिज जागोन। गिबियाव कार्तिक आर्यानजों लो गोसे अनुराग बासुनि बे सावथुनाव तृप्ति डिमरिआ खालामनो गोनांमोन। नाथाय माखासे जाहोनाव बिथांखौ सावथुननिफ्राय एंक्लायनाय जायो। □

# फावखुंगुर हिसाबै हिमेश रेशमियानि केरियारआ जर'खा जायाखै

'बड्स रिकुमार' सावथुननि गेजेरजों मिडजिसिआन, देंखोगिरिनिफ्राय फावखुंगुर जानाय हिमेश रेशमियानि एक्टि केरियारआ फिन खनसेबाव सोलिबावदों। बक्स अफिसआव 'बड्स रिकुमार' सावथुना आसा खालामनायनिखुड बांसिन रं आरजिनायाव जाफुंसारनो हादों। भिक्क कौशलनि लेटेस्ट सावथुन 'छभा' नि रिलिज जानायनि उनावबो हिमेशनि बे सावथुना जेन्नायनि लामायाव फेयाखै एबा जेन्नो गनायाखै। रिलिज जानायनि 9 सानाव फिन खनसेबाव बे सावथुना रं आरजिनाय बिथिंआव इउटर्न लादों आरो मोजां फालांगि



खालामनातै दिन्थिदों। देंखोगिरिनि अनगायै सासे फावखुंगुर हिसाबै हिमेश रेशमियानि केरियारआ जर'खा जायाखै। नाथाय 'बड्स रिकुमार' सावथुननि उनाव माखासे बेसादखौ सोलायगोन

बायदि मोन्दों। 80 जौथाइनि एक्सन आरो रमान्सखौ बिथांनि बे लेटेस्ट सावथुनाव नुनो मोन्दों। अपेनि उडकेन्डआव मोजां रं आरजिनो हानाय 'बड्स रिकुमार' सावथुना उडकेन्डआव

फिन खनसेबाव गोखों जाना दिन्थिदों। सुतुनि बायदिब्ला, रिलिजनि 9थि सानाव हिमेशनि बे सावथुना 40-45 लाख रंनि गेजेराव बक्स अफिसआव कालेक्सन खालामबाय, जाय

थांनाय सानफोरनि रुजुनायाव 10 लाख रंनिखुड बांसिन जादों। बे अन्जिमाखौ नायोब्ला बुंनो हायोदि, आथिखालाव बक्स अफिसआव बड्स रिकुमारआ रं आरजिनाय बिथिंआव फासयना थानो थियारि जायाखै। मख'नो गोनांदि, सावथुननि नेट कालेक्सनआ आथिखालाव 10 कौटि रंनि बारा जाबाय। गासै 10.02 कौटि रंनि बे अन्जिमाखौ नुयोब्ला बेखौ बुंनो हायोदि, बड्स रिकुमार' सावथुना जागायजेन्नायाव बेसेबां मोन्नो हादोंमोन, बे हिसाबै सावथुना गावनि जोबथा थांखिसिम सौहैनो हायासै। □



खोन्दो एबा 'केप्टेन आमेरिका ब्रेभ निड वर्ल्ड' आ सिनेमा हलफोरव रिलिज जाबाय। गुबुन हादतफोरजों लो गोसे भारतआबबो बे सुपारहिर'नि अन्साइगिरिफोरा गोबां दं। भारतीय नायगिरिफोरबो गोबाव समनिफ्रायनो 'केप्टेन आमेरिका 4' खौ नेनातै थादोंमोन। गमामायै 14 फेब्रुवारीखालि सिनेमा हलफोरव हल्लिउडनि सावथुनआ नुजाथिदों आरो गिबि सानाव सावथुना भारतिय बक्स अफिसआव सरासन्सायै

जागायदों। अदेबानि हल्लिउडनि सावथुनफोरा भारतिय बक्स अफिसआव दोहौ सोमजिहोयो, नाथाय केप्टेन आमेरिकानि बिथिंआव उल्था जादों। बेनि जाहोनाव भिक्क कौशलनि 'छभा' सावथुन जानो थांगासिनो दं। केप्टेन आमेरिकाआ छभा सावथुनजों बादायलायनो हायाखै। गिबि सानाव जुलियस अनाहनि डायरेक्ट खालाम जानाय हल्लिउडनि सावथुना 4.3 कौटि रंजों अपेनि लादोंमोन। उडकेन्डआव जेराव सावथुनफोरनि

रं आरजिनाया बाडो। गुबुन फारसेथिं केप्टेन आमेरिकाआ लाख रंआवनो थाबथादों। सेलनिल्कनि आलि ट्रेडनि बायदिब्ला, एथनि मेकि स्टारनि सावथुननि नैथि सान शनिबारखालि नख'रारि बक्स अफिसआव सिंगल डे कालेक्सनआ 4 कौटि रं जादों। बबेखानि गुबुन फारसेथिं केप्टेन आमेरिकाजों लो गोसे रिलिज जानाय छभा सावथुना दोहौ सोमजि होंदों। बे सावथुना गिबि सानाव 33.1 कौटि रंनि फलॉगि खालादोंमोन। □

# जानो गोनां आइ.पि.एल. 2025 नि सम फारिलाइखौ फोसावनाय जाबाय

गोदान दिल्ली, 16 फेब्रुवारी: बि.सि.सि.आइ.आ रबिबाराव इन्डियन प्रिमियर लीग 2025 नि समफारिखौ थि खालामबाय। आइ.पि.एल. 2025 आ 22 मार्चनिफ्राय जागायजेनगोन। गिबि मेचआव थांनय सिजननि चेम्पियन कलकाता नाइट राइडर्सआ रयेल चेलेन्जर्स बेंगलरनि हेँथाय गेलेगोन। बे बादायलायनाया कलकातानि नख'रारि फोथार इडेन गार्डेनआव गेलेनाय जागोन। आइ.पि.एल. 2025 माइथायनि समाव मोन 10 हानजाफोरनि गेजेराव फ्राय 74 मेचफोर गेलेनाय जागोन। बे समाव मोन 12 डबल-हेडर मेचफोरबो जागोन। साननि बादायलायनाया बेलासिनि 3:00 रिंगायाव टस खालामनाय जागोन आरो बेलासिनि 3:30 रिंगानिफ्राय गेलेनाय जागोन। मोनाबिलिनि बादायलायनाया मोनाबिलिनि 7:00 रिंगायाव टस जागोन आरो मोनाबिलि 7:30 रिंगायाव गेलेनाया जागोन। गासैबो लीग मेचफोरखौ गासै 13 थावनिफोराव गेलेनाय जागोन। जोबथा बादायलायनाया 25 मेआव कलकातायाव खुंजागोन। आइ.पि.एल.आव, गासैबो हानजाया गावसोरनि नख'रारि थावनियाव 7 मेच आरो बेरेखा हानजानि न'आव 7 मेच गेलेगोन। 18थि सिजनआव 10 नि गेजेराव 3 हानजाया गावसोरनि नख'रारि मेचफोरखौ मोन 2 गुबुन गुबुन थावनिफोराव गेलेगोन। दिल्ली केपिटेलसआ खालि अरुण जेटली स्टेडियामाव'ल' नख नाथाय विशाखापत्तनमआवबो नख'रारि मेचफोर गेलेगोन।



राजस्थान रयल्सआ जयपुरनि सर्वाइ मानसिंह स्टेडियामनि अनगायै गुवाहाटीआव गावसोरनि मोन 2 नख'रारि मेचफोर गेलेगोन। राजस्थान रयल्सआ गुवाहाटीआव कलकाता नाइट राइडर्स आरो चेन्नाइ सुपर किंग्सजों मोगामोगि जागोन। धर्मशालायाव थानाय हिमाचल प्रदेश क्रिकेट एस'सिएशन स्टेडियामआव पान्जाब किंसआ लखनौ सुपर जाइन्ट्स, दिल्ली केपिटेलस आरो मुम्बाइ इन्डियन्सजों मोगा-मोगि जागोन। बेजों लोगोसे,

पी.बी.के.एस.आ गावसोरनि मोनब्रे नख'रारि मेचफोरखौ निउ पी.सी.ए. स्टेडियाम, निउ चन्डीगढ़आव गेलेगोन। गासैबो प्लेअफ बादायलायनाया हाइद्राबाद आरो कलकातायाव खुंजागोन। गिबि क्वालिफायरआ 20 मेआव आरो एलिमिनेटरआ 21 मेआव हाइद्राबादआव गेलेगोन। नैथि क्वालिफायर बादायलायनाया 23 मेआव जागोन आरो जोबथा मेचआ 25 मेआव जागोन। बे मोननैबो मेचखौ कलकातानि इडेन गार्डेन स्टेडियामा खुंगोन।

## पाकिस्तानआव दैनि आंखालजों सुबुंफोरा हालाय-हाफाय जानांदों

गोदान दिल्ली, 16 फेब्रुवारी: पाकिस्तानआव आरोबाव फिन खेबसेबाव गिखंथाव जेंना सग्लोबदों। हादतआव बेसेन बांनय आरो उखैनायजों भुगिनांनय पाकिस्ताननि थासारिया आधिखालाव गात्रिसिन्स महर मोन्दों। बावैसो सान सिगां पाकिस्ताननि बोथोर बिफानआ फोसावदोंमोनदि, फेब्रुवारी आरो मार्च दानआव अखा हानायनि बिबांआ बाडाइ जागोन। जायनि जाहोनाव पाकिस्तानआव रानखवायनायजों लोंग्रा दैनि आंखालआव हादतनि



सरासनस्त्रा नोगोरारिफोरा गोबां जेंनाजों मोगा-मोगि जानो गोनां जागोन होन्ना सरकारि सुलुडाव फोरमायथिदों। बेराफार्सिंथिं

पाकिस्ताननि मोनसे रिपट'आव फोसावनाय बायदिब्ला, भासानि मेनेजिं डिरेक्टर महम्मद शलीम आश्राफआ बुंदोंदि, राउलपिन्दीनि गेरिसन नोगोराव थानाय सुबुंफोरा दैनि आंखालनि थाखाय जेंनायाव गोग्लेदों। बेनि अनगायैबो सुबुं सानखौआ गोखोयै बांनयनि सायाव आरो माखासे रांखाथिनि जौगाथाया दावखलायनायनि थाखाय बेफोर बादि जेंना सोमजिदों होन्ना नै मख'दों। आश्राफआ बुंभावदोंदि, राउलपिन्दीआव दैनि आंखाल जानायनि थाखाय बेयाव थानाय गोबां सुबुंफोरानो गोबां जेंनाजों भुगिनांनयसिनो दड। बे थासारिखौ नोजोर होनानै राउलपिन्दीखौ खैफोद गोनां जन होन्ना नै फोसावदों आरो बेवहाय दै जगायनायनि थाखाय सरकारआराहा लादों। भासानि मेनेजिं डिरेक्टरआ बुंभावदोंदि, सम बादिबै अखा हानाया बाडाइ जानायनि थाखाय आन्डर ग्राउन्ड वाटर एवा दैनि खोलोबआ गोथौ जालांदों। जायनि जाहोनाव 700 फुट गोथौ पाइपखौ दाबायब्लाबो दैखौ मोन्नो हायाखौ। मख'नो गोनांदि, राउलपिन्दी सहरआव सानफोमबो 6.8 कौटि गेलान दैनि गोनांथि जायो। जेराव 51 एमजिडि खौल' जगायनानै होनो हायो। जेराव राउल आरो कानपुरआव 490 ल' टिउबवेलफोर दड। मख'नो गोनांदि, थांनय 1990 इं माइथायाव 100 फुट गोथौआव दैखौ मोन्नो हायोमोन। नाथाय

# मानष प्रतिम दास गोसोखा क्रिकेट बादायलायनायाव नलबारिनि बिके चेलेन्जार्चआ देरहासार

उदालगुरि, 16 फेब्रुवारी: उदालगुरि फरायसा आफादनि बान्जायनायाव उदालगुरि गोजौसिन फरायसालिनि गेलेग्रा फोथाराव खुंबाय थानाय 8थि बोसोरारि मानष प्रतिम दासनि दिनै गोसोखां क्रिकेट बादायलायनायनि जोबथा एबा फाइनाल मेचआव बिके सेलेन्जार्च नलबारिआ उमाकान्त क्रिकेट एकाडेमि



हानजाया 20.3 अभावरआव सा 5 उइकेट खोमानानै देरहासारनो हायो। मख'नो गोनांदि, नलबारिनि गेलेगिरि निपन डेकाआ 42 रन लानो हानायजों लोगोसे गावनि हान्जाखौ देरहासार खालामनो हायो। दिनैनि बे जोबथा बादायलायनायाव मेन अफ दा मेच बान्थाखौ मोन्नो हायो नलबारि हान्जानि निपन डेकाआ आरो बेस्ट पिर्लडों महरै सायख'जायो नलबारिनि प्रतिक मरेआ। मख'नो गोनांदि, दिनैनि

बे फाइनाल बादायलायनायाव देरहानो हानाय हान्जानो टुफीजों लोगोसे 60,001 नोगोद रां होनायजों लोगोसे रनास-आप हान्जानो 30,001 नोगोद रां गथायनाय जायो। दिनैनि बे जोबथा बादायलायनाय मेचआव डेकियाजुलिनि अरबिन्द बिश्वासखौ बयनिखुइबो साबसिन गेलेगिरि महरै सायख'नाय जायो आरो बयनिखुइबो साबसिन बेटसमेन महरै अरानि सनु आचार्य, साबसिन बलार महरै डेकियाजुलिनि अरबिन्द बिश्वास आरो बयनिखुइबो साबसिन केच खालामनायाव राम किशान शर्माआ मोन्नो हायो। मख'नो गोनांदि, दिनैनि बे जोबथा बादायलायनाय मेचखौ सान्जौफुनि 11:00 रिंगायाव बेखेवना होदोंमोन उदालगुरि जिल्ला एबसुनि आफादगिरि कर्निलियास दैमारिआ। बिथाडा मेच बेखेवनाय बिबुंथियाव बुडोदि,

गेलेमुनि गेजेरजों गोजोन खौसेथि थासारि लाबोनो हायो होन्ना नै बुंथियो। उदालगुरि आन्सलिक फरायसा आफादआ बे थांखिखौ नोजोर होनानै हाबाफारि लानाया गेलेमु आरो सोलोंथाइनि मोनसे थासारि सोमजिहोदों होन्ना नै बुंथियो। गुबुन फार्सिंथिं बेलासिनि 4:00 रिंगायाव उदालगुरि जिल्ला फरायसा आफादनि आफादगिरि बितपद दासआ सामलायनाय बान्था रान्नाय हाबाफारियाव हांखायजानाय आलासि महरै बाहागो लानानै मानष प्रतिम दासनि बिफा दुर्बद दास, पुलिस बिबानगिरि मनजल गौ आरो उदालगुरि जिल्ला क्रिकेट एस'सिएसननि लेडाइ आफादगिरि दालिम बायनआ बिबुंथि लाखिनानै बुडोदि, बेबायदि मोनसे गेलेमुनि थासारि सोरजिनाया मोनसे बाखायथाव हाबाफारि जादों होन्ना नै मख'यो आरो बेनि गेजेरजोंनो ओन्सोलआव गोदान-गोदान

गेलेगिरिफोरनि जोनोम जागोन होन्ना नै मिर्जिथियो। बान्था रान्नाय हाबाफारियाव उदालगुरिनि डिपुटि सुपारेन्टेन्डेन्ट अफ पुलिस बिसेन बरुवा, किरन दास, आसुनि दैदेनगिरि द्विपज्यती नाथ, आसाम सेनानि दैदेनगिरि गौतमज्यती तालुकदार, उदालगुरि जिल्ला डेभेलपमेन्ट अट'रिटिनि गाहाइ नेहाथारि अकिल कलिता, उदालगुरि जिल्ला क्रिकेट एस'सिएसननि नेहाथारि बिपुल दैमारि, चन्दा मिलन गस्तीनि आफादगिरि दिपक राजबंसि, जिल्ला फरायसा आफादनि लेडाइ आफादगिरि बिकाश शर्मा, जिल्ला सात्र फरायसा आफादनि बारग' आफादगिरि प्रान्जल पाठवारि, उतपल चुत्रधर, चिका भैस्वय कलिता, गितिका दासमोनजों लोगोसे गोबां गागि समाज सिबियायि आरो मेलेमिजिबिफोरा नुजाथिफेदोंमोन।

## एशियान टीम चेम्पियनशिप 2025: अनिका दुबे आरो आकांक्षा गुप्ताआ भारतारि हान्जायाव सायख 'जादों



गोदान दिल्ली, 16 फेब्रुवारी: एशियान टीम चेम्पियनशिप 2025 आव पुणेनि सानै गेलेगिरिफोर अनिका दुबे आरो आकांक्षा गुप्ताखौ भारतारि स्क्वाश टीमनि थाखाय सायख'नाय जादों। बे जाफुंसारनाया महाराष्ट्रनि थाखाय गोग्गाथाव बाश्रा। बेल' नख बेयो हायुंआरि थाखोआव राइज्योनि गोखों थाथायखौबो दिन्थियो। 14 बोसोर बैसोनि अनिका दुबेआ बे टुर्नामेन्टआव भारतनि जानानै गेलेनाय बयनिखुइ उन्दैसिन गेलेगिरि जानो हादों। अनिकाया महाराष्ट्रनि बयनिखुइबो जाफुंसार जुनियर स्क्वाश गेलेगिरि। बिथांजोआ मोनथाम हायुंआरि बिमुंफोर देरहानो हादोंमोन। गावनि गोजोननायखौ फोरमायनानै अनिका दुबेआ बुंदोंदि, बेयो आनि थाखाय मोनसे सिमांखौ जाफुंसारनाय बायदि मोन्दादों। आं गोब्राव खामानि मावदों आरो दा बेबादि गिदिर फैसालियाव गेलेनो थाखाय गोसो गुदुं। आकांक्षा गुप्ताआबो भारतारि स्क्वाश टीमआव हाबबाय। आकांक्षा जाय 2019 माइथायाव खालि 10 बोसोर बैसोआव हायुंआरि बिमुं देरहादोंमोन, बिथांनि रादाय होनाय आरो

साबसिन दिन्थिफुनायनि फोरमान। बिथांजोआ बुंदोंमोन, भारतखौ थान्दैथि खालामनाया गोग्गानायनि बाश्रा। आं मदद आरो फोरोंथायनि थाखाय साबायखर बावदों जाय आंखौ बे थाखोसिम सौहैनायाव मदद होदोंमोन। चान्स 2 स्पटर्सआ कांगा किडस हाबाफारिनि गेजेरजों लाइमोन गेलेगिरिफोरखौ जोथोन लानायाव गोनां बिफाव लागसिनो दं। बे सानैबो गेलेगिरिफोरखौ कच अभिनभ सिन्हानि सिडव फोरोंथाय होनाय जादों, जायहा बोसोरफोमबो सासे हायुंआरि चेम्पियन थियारि खालामनायनि रेकर्ड दं। जेरै-एशियान टीम चेम्पियनशिप 2025 आ खाथियाव सौफैगसिनो, अनिका आरो आकांक्षाआ गावसोरनि फोरोंथायाव जेबो खहा खालामाखै। बैफोर लाइमोन स्टारफोरनि जाफुंसारनाय, जाय भारतारि स्क्वाशआव मोनसे गोजों इयुननि मिजिंखौ थुलुंगा होयो, खालि मोनसे गावारि मोनफुंनयल' नख, नाथाय चान्स 2 स्पटर्सनि नोजोरनि थाखायबो मोनसे देरहासारनाय।



# झुमुर बिनन्दिनी 2025

आसामाव चाहानि 200 बोसोरारि मुंदांखा उनमोन्थाय फालिथायजों  
झुमुर मोसानायनि गेदेत दिन्थिफुंनय

अक्ट': 24 फेब्रुवारी 2025  
सम: बेलासि 4:00 रिगा  
जायगा: सरुसजाइ गेलेमु बिथांखि, गुवाहाटी

हाबाफारिखौ नायफेनो गोसो गुदुंफोरा गावसोरनि गांसे नंगुबै सिनायथि बिलाइ गथायनानै  
गाहायाव मख'नाय जायगानिफ्राय हांखाय बिलाइ आजवना नै लानो हागोन

- 1) सरुसजाइ गेलेमु बिथांखि, गुवाहाटी
- 2) श्रीमन्त शंकरदेब कलाक्षेत्र, पान्जाबारी, गुवाहाटी

सासे सुबुडा गांसेल' हांखाय बिलाइखौ आजवना हागोन

हरिमुआरि आयदा विफान

फोसयाथि आरो सुबुं फोनांजाव विथोनगिरि मावख', आसामजों फोसावनाय  
Connect with us @diprassam dipr.assam.gov.in  
आसाम बार्ता सांस्कृति खालामनो 7636834943 आव Assam लिखनानै व्हाटसएप खालाम